


✕
h 49

Kitasato Memorial Medical Library

F 25
本
47



本草綱目木部目錄第三十五卷

木之二	檠木	黃檗	椿	楸	槲	槲	槐	秦皮
木部五十二種	木部	木部	木部	木部	木部	木部	木部	木部
檠木	厚朴	漆	桐	海桐	檀	合欢
...

499.9

Ho-5
25

No. 1866

h 49



富士川文庫
3438

本草綱目木部目錄第三十五卷

木之二

喬木類五十二種

檠木

本經
卽黃檠

檀桓

拾遺

小檠

唐本

黃櫨

嘉祐

厚朴

本經
浮胡
爛羅勒附

杜仲

本經

椿樗

唐本

漆

本經

梓

本經

楸

拾遺

桐

本經

梧桐

綱目

罌子桐

拾遺
郢桐附

海桐

開寶
雞桐附

棟

本經

槐

本經

檀

拾遺

莢蒾

唐本

秦皮

本經

合歡

本經

皂莢

本經
鬼皂莢附

尾張淺井氏記

本草綱目木部目錄第三十五卷

肥皂莢 綱目 無患子 開寶 欒華 木經

無食子 唐本即沒食子 訶黎勒 唐本 婆羅得 開寶

檉 別錄 柳 本經 檉柳 開寶

水楊 唐本 白楊 唐本 扶移 拾遺

松楊 拾遺 榆 本經 榔榆 拾遺

蕪荑 本經 蘓方木 唐本 烏木 綱目

梓木 開寶 緜木 拾遺 欄木 拾遺 即花欄

櫻欄 嘉祐 檉木 拾遺 柯樹 拾遺

烏桕木 唐本 巴豆 本經 大風子 補遺

本草海紅豆 海藥 三相思子 綱目 豬腰子 綱目

木石瓜 綱目

藥木 右附方舊一百三十五新三百三十二

釋名黃藥 別錄 根名檀桓 時珍曰藥木名藥未詳本經言藥木及根不言藥皮

集解 別錄曰藥木生叢中山谷及永昌張景曰今

其根於道家入藥之品今人不知取服又有一

種小樹多刺皮亦黃而赤上曰奇木

平棗亦名山石櫛子似女貞皮白不黃亦名小棗

無名子

唐書曰即訶黎勒

婆羅得

柳

別錄

檉柳

水楊

唐本

扶移

松楊

拾遺

榔榆

蘇莢

水經

烏木

伴本州文譜一百三十五條三百三十二

木之

附錄

檉木

拾遺

柯樹

鐵球豆

唐本

卧思干

附錄

漆樹干

附錄

本草綱目木部第三十五卷上

木之二

喬木類五十一種

藥木

本經上品

釋名黃藥 根名檀桓

時珍曰藥木名義未詳本經言藥木及根不言藥皮

豈古時木與皮通用乎俗作黃柏者皆寫之謬也

集解

別錄曰藥木生漢中山谷及永昌弘景曰今出邵陵者輕薄色深為勝出東山者厚而色

淺其根於道家入木芝品今人不知取服又有一種小樹狀如石櫛其皮黃而苦俗呼為子藥亦主

口瘡又一種小樹多刺皮亦黃色亦主口瘡恭曰

子藥亦名山石榴子似女貞皮白不黃亦名小藥所在有之今云皮黃謬矣按今俗用子藥皆多刺

小樹名刺藥非小藥也禹錫曰按蜀本圖經云黃

本草綱目

卷三十五

藥樹高數丈葉似吳茱萸亦如紫椿經冬不凋皮
 外白裏深黃色其根結塊如松下茯苓今所在有
 本出房商合等州山谷中皮紫厚二三分鮮黃者
 上二月五月采皮日乾機日房商者治裏治下用
 之邵陵者治表治上用之各適其宜爾頌
 曰處處有之以蜀中出者肉厚色深為佳
修治 數日凡使藥皮削去粗皮用生蜜水浸半日
 瀝出晒乾用蜜塗文武火炙令蜜盡為度每
 五兩用蜜三兩元素曰二制治上焦單制治中焦
 不制治下焦也時珍曰黃藥性寒而沉生用則降
 實火熟用則不傷胃酒制則治
 上益制則治下蜜制則治中
氣味苦寒無毒 元素曰性寒味苦氣味俱厚沉而
 入肺少陰經為足太陽引經藥好古曰黃藥子
 入肺黃連入心黃藥入腎燥濕所歸各從其類也
 故活人書四味解毒湯乃下內外
 通治之藥○之才曰惡乾漆伏硫黃
主治五臟腸

胃中結熱黃疸腸痔止洩痢女子漏下赤白陰傷
 蝕瘡本經 療驚氣在皮間肌膚熱赤起目熱赤痛口
 瘡久服通神別錄 熱瘡炮起蟲瘡血痢止消渴殺蛙
 蟲藏器 男子陰痿及傳莖上瘡治下血如雞鴨肝片
 蠶安器 安心除勞治骨蒸洗肝明目多淚口乾心熱殺
 疳蟲治蛇心痛鼻衄腸風下血後急熱腫痛大明 瀉
 膀胱相火補腎水不足堅腎壯骨髓療下焦虛諸
 痿癱瘕利下竅除熱元素 瀉伏火救腎水治衝脈氣
 逆不渴而小便不通諸瘡痛不可忍李杲 得知母滋

本草綱目卷下 卷三十一 五十一

陰降火得蒼朮除濕清熱為治痿要藥得細辛瀉

膀胱火治口舌生瘡震亨傳小兒頭瘡時

發明元素曰黃蘗之用有六瀉膀胱龍火一也利小便結二也除下焦濕腫三也痢疾先見血

四也臍中痛五也補腎不足壯骨髓六也凡腎水膀胱不足諸痿厥腰無力於黃芪湯中加用使兩足膝中氣力涌出痿軟御便去也乃癱瘓必用之藥蜜炒研末治口瘡如神故雷公炮炙論云口瘡舌折立愈黃酥謂以酥炙根黃含之也某曰黃蘗蒼朮乃治痿要藥凡去下焦濕熱作腫及痛并膀胱有火邪并小便不利及黃澀者並用酒洗黃蘗知母為君茯苓澤瀉為佐凡小便不通而口渴者邪熱在氣分肺中伏熱不能生水是絕小便之源也法當用氣味俱薄淡滲之藥猪苓澤瀉之類瀉肺火而清肺金滋水之化源若邪熱在下焦血分不渴而小便不通者乃素問所謂無陰則陽無以

生無陽則陰無以化膀胱者州都之官津液藏焉氣化則能出矣法當用氣味俱厚陰中之陰藥治之黃蘗知母是也長安王善夫病小便不通漸成中滿腹堅如石脚腿裂破出水雙睛凸出飲食不下痛不可名狀治滿利小便滲洩之藥服遍矣予診之曰此乃奉養太過膏梁積熱損傷腎水致膀胱久而乾涸小便不化火又逆上而為嘔噦難經所謂關則不得小便格則吐逆者紫古老人言熱在下焦但治下焦其病必愈遂處以北方寒水所化大苦寒之藥黃蘗知母各一兩酒洗焙碾入桂一錢為引熱水丸如芡子大每服二百丸沸湯下少時如刀刺前陰火燒之狀溺如瀑泉涌出床下成流顧盼之間腫脹消散內經云熱者寒之腎惡燥急食辛以潤之以黃蘗之苦寒瀉熱補水潤燥為君知母之苦寒瀉腎火為佐肉桂辛熱為使寒因熱用也震亨曰黃蘗走至陰有瀉火補陰之功非陰中之火不可用也火有二君火者人火也心火也可以濕伏可以永滅可以直折黃連之屬

可以制之相火者天火也龍雷之火也陰火也不
可以水濕折之當從其性而伏之惟黃蘗之屬可
以降之時珍曰古書言知母在黃蘗滋陰降火有
金水相生之義黃蘗無知母猶水母之無蝦也蓋
黃蘗能制膀胱命門陰中之火知母能清肺全滋
腎水之化源故紫古東垣丹溪皆以為滋陰降火
要藥上古所未言也蓋氣為陽血為陰邪火煎熬
則陰血漸涸故陰虛火動之病須之然必少壯氣
盛能食者用之相宜若中氣不足而邪火熾甚者
久服則有寒中之變近時虛損及縱慾求嗣之人
用補陰藥往往以此二味為君日日服每降令太
過脾胃受傷真陽暗損精氣不暖致生他病蓋不
知此物苦寒而滑滲且苦味久服有反從火化之
害故葉氏醫學統旨有因物加知母黃蘗久服傷
胃不能生
陰之戒

附方 舊十二新
陰火為病 大補丸用黃蘗去皮鹽
酒炒為末水丸梧子

大血虛四物湯下氣虛
西君子湯下丹溪方
男女諸虛 孫氏集效方坎
人諸虛百損小便淋漓遺精白濁等證黃蘗去皮
切二斤熟糯米一升童子小便浸之九浸九晒蒸
過晒研為末酒煮麩糊丸梧子
子大每服一百九溫酒送下
上盛下虛 消中等證
黃蘗一斤分作四分用醇酒蜜湯鹽水童尿浸洗
晒炒為末以知母一斤去毛切搗熬膏和丸梧子
大每服七十丸
四治坎離諸丸 蒼木下
臟毒
痔漏 下血不止孫探玄集效方藥皮丸用川黃蘗
皮刮淨一斤分作四分炒黑色為末煉蜜丸梧子
浸七日洗晒焙一分生炒黑色為末煉蜜丸梧子
大每空心溫酒下五十九丸久服除根○楊誠經驗
方百補丸專治諸虛赤白濁用川藥皮刮淨一斤
分作四分用酒蜜人乳糯米泔各浸透炙乾切研
廩米飯丸如上述法服○又陸一峯藥皮丸黃蘗一
斤分作四分三分用醇酒鹽湯童尿各浸二日焙

研一分用酥炙研末以猪膽一條去膜下血數升

入藥在內紫煮熟搗丸如法服之

黃藥一兩去皮雞子白塗炙為末水丸綠豆小兒

大每服七丸溫水下名金虎丸普濟方

下血或血痢黃藥半兩赤芍藥四錢為末飯丸麻

子或血痢黃藥一二九食前米飲下

集效 妊娠下痢 白色晝夜三五行根黃厚者蜜

和丸梧子大每空不可迷未飲下三五小兒熱瀉

丸日三服神妙不可迷未飲下三五小兒熱瀉

削皮焙為末用米湯和丸粟米大每

服一二九米湯下十全傳救方赤白濁淫

服精滑真珠粉九黃藥炒真蛤粉各一斤為末每

服一百九空溫酒下黃藥炒真蛤粉各一斤為末每

補腎也又方知母炒牡蠣粉煨山藥炒等分為

末糊丸梧子大每服八十九鹽湯下紫古家珍

積熱夢遺 藥末一兩片腦一錢煉蜜丸梧子大每

服十五丸麥門冬湯下此大智

禪師方也許學士本事方

水一升煮三五沸渴即飲之恣

飲數日即止韋宙獨行方

為末麥門冬湯調服時行赤目

二錢立瘥經驗方

煨乾每用一彈子大紗帕包之浸水一盞飯上蒸

熟乘熱熏洗極效此方有金木水火土故名五行

湯一丸可用三嬰兒赤目 藥汁點之

目昏暗 身且含黃藥一片吐津洗之終卒喉痺痛

黃藥片含之又以一斤酒一斗

煮二沸恣飲便愈

和黃藥末傅之冷小兒重舌

即易 肘后方

生瘡 外臺用黃藥合之良

之吐涎冠氏衍義治心脾有熱舌頰生瘡

蜜炙黃蘗青黛各一分為末入生龍腦一字搽之吐涎○赴筵散用黃蘗細辛等分為末搽或用黃蘗乾薑等口疳臭爛錢雲散用黃蘗五錢銅綠二分亦良

鼻疳有蟲黃蘗二兩冷水浸一宿絞汁溫服聖惠方

橫柳末猪脂和唇瘡痛痒黃蘗末以薔薇根汁調塗立效聖濟錄

毛毒瘡生頭中初生如蒲桃痛甚黃蘗一兩乳香二錢半為末槐花煎水調作餅貼于瘡口

普濟方小兒顛腫生下即腫者黃蘗末水調塗立效

手足腫痛欲斷黃蘗五斤煎水調塗立效

水三升煮漬之肘后方癰疽腫毒黃蘗皮炒川烏頭炮等分

米泔水潤濕小兒臍瘡不合者黃蘗末塗小兒臍

瘡遍身不乾用黃蘗末入枯礬少者陰蝕作白膿出一者只生熱瘡熱瘡用黃蘗黃

法黃蘗煎湯洗之仍以黃蘗黃連作末傅之○又

以白蜜用蜜火毒生瘡凡冬月向火氣入內

之或只用蜜火毒生瘡凡冬月向火氣入內

藥末摻之立愈一婦病此人無凍瘡裂痛乳汁調

識者有用此而愈張呆醫說凍瘡裂痛乳汁調

塗之自死肉毒自死六畜有毒以黃蘗末

門事親自死肉毒自死六畜有毒以黃蘗末

瘡生肌黃蘗末麩糊調水服方寸七

檀桓拾遺

集解藏器曰檀桓乃百歲藥之根如天門冬長三四尺別在一旁以小根綴之一名檀桓芝出

靈寶方時珍曰木經但言黃藥根名檀桓陳氏所說乃藥旁所生檀桓芝也與陶弘景所說同

氣味苦寒無毒 **主治** 心腹百病安魂不饑渴久

服輕身延年通神本經 長生神仙去萬病為散飲服

方寸七盡一枚有驗藏器

小藥 唐本草

釋名 子藥 **山石榴** 時珍曰此與金櫻子杜鵑花並名山石榴非一物也

集解 弘景曰子藥樹小狀如石榴其皮黃而苦又

石間所在皆有襄陽峴山東者為良一名山石榴其樹枝葉與石榴無別但花異子細黑圓如牛李子及女貞子爾其樹皮白陶云皮黃恐謬矣今太常所貯乃小樹多刺而葉細者名刺藥非小藥也

藏器曰凡是藥木皆皮黃今既不黃非藥也小藥如石榴皮黃子赤如枸杞子兩頭尖人到枝以染黃若云子黑而圓恐是別物非小藥也時珍曰小藥山間時有之小樹也其皮外白裏黃叢如藥皮而薄

氣味苦大寒無毒 **主治** 口瘡疔腫殺諸蟲去心腹

中熱氣 唐本 治血崩 時珍曰婦人良方治血崩阿陀丸方中之

黃櫨 宋嘉祐

集解 藏器曰黃櫨生商洛山谷四

木 **氣味苦寒無毒** **主治** 除煩熱解酒疸目黃水煮

服之 藏器 洗赤眼及湯火漆瘡 時珍

附方

新大風癩疾 黃櫨木五兩剉用新汲水一斗浸二七日焙研蘓枋木五兩烏

麻子一斗九蒸九暴天麻二兩丁香乳香一兩為末以赤黍米一升淘淨用浸黃櫨水煮米粥搗和

丸梧子大每服二三十九食後漿水下日二夜一 聖濟總錄

厚朴

本經中品

校正

併入有名未用逐折

釋名烈朴

華日

赤朴

別錄

厚皮

同

重皮

廣雅

樹名榛

別錄子

名逐折

別錄○時珍曰其木質朴而皮厚味辛烈而色紫赤故有厚朴烈赤諸名頌曰廣雅謂之重皮方書

集解

別錄曰厚朴生交趾寬旬三月九月十月采皮陰乾弘景曰今出建平宜都極厚肉紫色為好殼薄而白者不佳俗方多用道家不須也頌曰今洛陽陝西江淮湖南蜀川出谷中往往有之

皮

而以梓州龍州者為上木高三四丈經一二尺春生葉如櫨葉四季不凋花而青實皮極鱗皺而厚紫色多潤者佳薄而白者不堪宗奭曰今伊陽縣及商州亦有但薄而色淡不如梓州者厚而紫色有油時珍曰朴樹膚白肉紫葉如榭葉五六月開細花細實如冬青子生青熟赤有核七八月采之味甘美

皮修治

敷日凡使要紫色味辛者為好刮去粗皮入丸散每一斤用酥四兩炙熟用若入湯飲用自然薑汁八兩炙盡為度大明曰凡入藥去粗皮用薑汁炙或浸炒用宗奭曰味苦不以薑制則棘人喉舌

氣味

苦溫無毒別錄曰大溫吳普曰神農岐伯雷大熱元素曰氣溫味苦辛氣味俱厚體重濁而微降陰中陽也果曰可升可降之才曰乾薑為之使

本草綱目

卷三十一

惡澤瀉消石寒水主治中風傷寒頭痛寒熱驚悸

石忌豆食之動氣經本溫中益氣消痰下氣療霍

亂及腹痛脹滿胃中冷逆胸中嘔不止洩痢淋露

除驚去留熱心煩滿厚腸胃別錄健脾胃治反胃霍亂

轉筋冷熱氣瀉膀胱及五臟一切氣婦人產前產

後腹臍不安殺腸中蟲明耳目調關節大治積年

冷氣腹內雷鳴虛吼宿食不消去結水破宿血化

水穀止吐酸水大溫胃氣治冷痛主病人虛而尿

白既主肺氣脹滿膨而喘欬好古

發明宗爽曰厚朴平胃散中用最調中至今此藥

元素曰厚朴之用有三平胃一也去腹脹二也孕

婦忌之也雖除腹脹若虛弱人宜斟酌用之誤

服脫人元氣惟寒脹大熱藥中兼用乃結者散之

中之寶也平胃散用之佐以蒼朮正為瀉胃中之

濕平胃土之太過以致於中和而已非謂溫補脾

胃也習以成俗皆謂之補哀哉其治腹脹者因其

味辛以提其滯氣滯行則宜去之若氣實人誤服

參芪藥多補氣脹悶或作喘宜此瀉之好古曰本

草言厚朴治中風傷寒頭痛溫中益氣消痰下風

厚腸胃去腹滿果泄氣乎果益氣乎蓋與枳實大

黃同用則能泄實滿所謂消痰下氣是也若與橘

皮蒼朮同用則能除濕滯所謂溫中益氣是也與

解利藥同用則治傷寒頭痛與瀉痢藥同用則厚

腸胃大抵其性味苦溫用苦則泄用溫則補也故

成無已云厚朴之苦以泄腹滿杲曰苦能下氣故

泄實滿溫能益氣故散濕滯

附方 厚朴煎丸

孫兆甫云補腎不如補脾脾胃氣壯則能飲食飲食既進則益營衛養精血滋骨髓是以素問云精不足者

損溫中以味形不足者補之以氣此藥大補脾胃虛損溫中降氣化痰進食去冷飲嘔吐泄瀉等證用厚朴去皮到片用生薑二斤連皮切片以水五升同煮乾去薑焙朴以乾薑四兩甘草二兩再同厚朴以水五升煮乾去薑焙朴和左梧子大每服五十九同煮熟去薑搗棗和左梧子大每服五十九痰壅米飲下一方加熟附子王穆百一選方嘔逆為心胸滿悶不下飲食厚朴一兩薑汁炙黃腹脹脈數一斗二升煎取五升入大黃四兩再煎三升溫服一升轉動更服不動腹痛脹滿厚朴七物勿服張仲景金匱要畧

半斤制甘草大黃各三兩棗十枚大枳實五枚二兩生薑五兩以水一斗煎取四升溫服八合日三服者加半夏五合全匱要畧男女氣脹心悶飲食不下冷熱薑汁炙集黑為末以陳米飲調反胃止瀉上方同中服二錢七日三服

滿洞瀉厚朴乾薑等分為末蜜丸梧子大每服五十九米飲下鮑氏方小兒吐瀉胃虛及有痰驚梓朴散用梓州厚朴一兩半夏湯泡七次薑汁浸半日曬乾一錢以米泔三升同浸一百刻水盡為度如未盡少加火煎乾去厚朴只研半夏每服半錢或一字薄荷湯調下錢乙小兒霍亂腹痛厚朴湯用厚朴炙四兩桂心二直訣

煎取三升分三服此陶隱居方也唐石泉公王方慶廣南方云此方不惟治霍亂凡諸病皆治○聖惠方用厚朴薑汁炙研下痢水穀三兩黃連三兩末新汲水服二錢如神

水三升煎一升空 **大腸乾結** 厚朴生研猪臟煮搗

心細服 梅師方 下三十九 ○ **尿渾白濁** 心脾不調腎氣渾濁用厚

十便良方 錢水酒各一椀煎一月水不通 厚朴三兩炙切水

一服空 心飲不過三四劑神驗 梅師方

逐折氣味甘温無毒主治療鼠瘦明目益氣 別錄

正誤 別錄有名未用曰逐折殺鼠益氣明目一名

豆以景曰杜仲子亦名逐折 ○ 別錄厚朴條下已

言子各逐折而有名未用中復出逐折主治相同

惟鼠瘦殺鼠字誤未知孰是爾所云厚實乃厚朴

實也故皮謂之厚皮陶氏不知援引杜仲為註皆

誤矣今

附錄浮爛羅勒 藏器曰生康國皮似厚朴味酸平

無毒主一切風氣開胃補心除冷

杜仲 本經上品

釋名思仲 別錄 **思仙** 本經 **水綿** 吳普 **棉** 時珍曰昔有杜仲

之思仲思仙皆由此義其皮中有銀絲如

綿故曰木綿其子名逐折與厚朴子同名

集解 別錄曰杜仲生上虞山谷及上黨漢中二月

薨之虞非會稽上虞縣也今用山建平宜都者狀

如厚朴折之多白絲者為佳保昇曰生深山大谷

所在有之樹高數丈葉似辛夷頌曰今出商州成

州峽州近處大山中葉亦類栢其皮折之白絲相

連江南謂之櫛初生嫩葉可食謂之櫛

芽花實苦澀亦堪入藥木可作履益脚

皮修治

敷日凡使削去粗皮每斤用酥一兩

氣味辛平無毒

別錄曰甘溫權曰苦煖元素曰性

果曰陽也降也好古曰肝經氣分

主治腰膝痛補

中益精氣堅筋骨強志除陰下癢濕小便餘瀝久

服輕身耐老

經本脚中酸疼不欲踐地

別錄治腎勞腰

脊攣

大腎冷腎腰痛人虛而身強直風也腰不利

加而用之

權能使筋骨相着

李潤肝燥補肝經風

虛

好發明時珍曰杜仲古方只知滋腎惟王好古言是

發明

肝經氣分藥潤肝燥補肝虛發昔人所未發

也蓋肝主筋腎主骨腎充則骨強肝充則筋健屈

伸利用皆屬于筋杜仲色紫而瀉味甘微辛其氣

溫平甘溫能補微辛能潤故能入肝而補腎子能

令母實也按麗元英談藪一少年新娶後得脚軟

病且疼甚醫作脚氣治不效路鈴孫琳診之用杜

仲一味寸斷片拆每以一兩用半酒半水一大盞

煎服三日能行又三日全愈林曰此乃腎虛非脚

氣也杜仲能治腰膝痛以酒行之則為效容易矣

附方

新舊青娥丸方見補腎虛腰痛崔元亮海上

仲去皮炙黃一大斤分作十劑每夜取一劑以水

一大升浸至五更煎三分減一取汁以羊腎三四

枚切下再煮三五沸如作羹法和以椒鹽空腹頓

服○聖惠方入雞白七莖○籠中方加五味子半

斤風冷傷腎腰背虛痛杜仲一斤切炒酒二升漬

○三因方為末每病後虛汗及目中流汁杜仲牡

且以溫酒服三錢

服五七不止更頻慣墮胎或三四月即墮者於兩月前以杜仲八兩糯米煎湯浸透炒去絲續斷二兩酒浸焙乾為末以山藥五六兩為末作糊丸梧子大每服五十九空心

米飲下肘後方用杜仲焙研棗肉及胎產後諸疾及胎

為丸糯米飲下楊起簡便方

安杜仲去皮瓦上焙乾木臼搗末煮棗肉和丸勝金方

彈子大每服一丸糯米飲下日二服

綿芽氣味缺主治作疏去風毒脚氣久積風冷腸

痔下血亦可煎湯蘇頌

椿唐本草釋名香者名椿集韻作樵夏書臭者名樛音丑居

山樛名樛音考虎目樹拾遺大眼桐時珍曰椿樛易

有椿樛之稱莊子言大椿以八千歲為春秋是矣

椿香而樛臭故椿字又作樛其氣熏也樛字從庫

其氣臭人呵痺之也樛亦椿音之轉爾藏恭曰俗

呼椿為猪椿比人呼樛為山椿江東呼為虎目樹

亦名虎眼謂葉脫處有痕如虎

之眼目又如樛蒲子故得此名

集解恭曰椿樛二樹形相似但樛木疎椿木實為

但椿木實而葉香可噉樛木最為無用莊子所謂吾有

熬去氣並采無時樛木最為無用莊子所謂吾有

大木人謂之樛其本擁腫不中繩墨小枝曲拳不

中窺矩者爾雅云樛山樛郭璞注云樛似樛色小

白生山中因名亦類漆樹俗語云樛樛漆相似

如一陸機詩疏云山樛與田樛無異葉差狹爾吳

人以葉為茗宗奭曰椿樛皆臭但一種有花結子

一種無花不實世以無花而木身大其幹端直者

為椿樛木用葉其有花莢而木身小幹多迂矮者

為樛樛用根及莢葉又虫部有樛雞不言椿雞以

顯有雜者為樗無雜者為椿古人命名其義甚明
禹錫曰樗之有花者無莢有莢者無花其莢夏月
常生臭樗上未見椿止有莢者然世俗不辨椿樗
之異故呼樗莢為椿莢爾時珍曰椿樗乃一木
三種也椿木皮細肌實而赤嫩葉香甘可茹樗木
皮粗肌虛而白其葉臭惡飲年人或采食樗木即
樗之生山中者木亦虛大梓人亦或用之然瓜之
如腐朽故古人以為不材之木不似椿木堅實可
入棟
梁也

葉氣味苦温有小毒

說曰椿芽多食動風重十二
經脈五臟六腑令人神昏血
氣微若和猪肉熟麪頻食則中滿益擁
經絡也時珍曰椿葉無毒樗葉有小毒
主治煮水

洗瘡疥風疽樗木根葉尤良

白禿不生髮取椿
桃楸葉心搗汁頻塗之
時珍曰嫩芽淪食消風祛毒
生

編 白皮及根皮修治

說曰凡使椿根不近西頭者
為上采出梓王葱蒸半日
細以袋盛掛屋前畔陰乾用時珍曰椿樗木
皮根皮並刮去粗皮陰乾隨時切焙人肺

氣味苦温無毒

惟曰微熱震亨曰涼而燥藏器曰
樗根有小毒時珍曰樗根制硫黃
黃金 主治疔蠹樗根尤良
唐本 去口鼻疔蟲殺虻蟲

疥蠹鬼注傳尸蠱毒下血及赤白久痢
藏器得地榆

止疔痢 蕭炳 止女子血崩產後血不止赤帶腸風瀉

血不住腸滑瀉縮小便蜜炙用
大 利溺澀 雷 治赤

白濁赤白帶濕氣下痢精滑夢遺燥下濕去肺胃

陳積之痰 震亨

發明

赤帶下宜取東引細椿根一大握洗淨以水
一升煮汁分服便斷小兒疳痢亦宜多服仍取
白皮一握梗米五十粒葱白一握炙甘草三寸
兩合水一升煮半升以意服之枝葉功用皆同
亨曰椿根白皮性涼而能澀血凡濕熱為病瀉痢
濁帶精滑遺諸證無不用之有燥下濕及去肺
胃陳痰之功治泄瀉有除濕實腸之力但痢疾滯
氣未盡者不可遽用宜入丸散亦可煎服不見有
害予每用炒研糊丸看病作湯使各固腸在也時
珍曰椿皮色赤而香樗皮色白而臭多服微利人
蓋椿皮入血分而性瀉樗皮入氣分而性利不可
不辨其主治之功雖同而瀉利之效則異正如伏
苓芍藥赤白頰殊也凡血分受病不足者宜用椿
皮氣分受病有鬱者宜用樗皮此心得之微也乾
坤生意治瘡腫下藥用樗皮以無根水研汁服二
三椀取利數行是其驗矣故陳藏器言樗皮有小
毒蓋有所試也宗奭曰浴湯一女人年四十六七

耽飲每度多食魚蟹毒在臟日夜二三十瀉大
便與膿血雜下大腸連肛門痛不堪任醫以止血
痢藥不效又以腸風藥則益甚益腸風則有血無
膿如此半年餘氣血漸弱食減肌瘦服溫平藥則腹
愈痛血愈下服冷藥即注泄食減服溫平藥則病
不知如此期年垂命待盡或人教服人參散一服
知二服減三服膿血皆定遂常服之而愈其方治
大腸風虛飲酒過度挾熱下痢膿血痛甚多日不
瘥用樗根白皮一兩入參一兩為末每服二錢空
心溫酒調服米飲亦可忌油膩濕麪青菜果子甜
物雞豬魚
羊蒜薤等

附方

舊六 去鬼氣 樗根一握細切以童兒小便二
新十 升鼓一合浸一宿絞汁煎一沸

小兒疳疾

椿白皮日乾二兩為
末以粟米淘淨研濃

三五日一度服之
陳藏器本草
汁和丸梧子大十歲三四丸米飲下量加大加減仍
以一丸納竹筒中吹入鼻內三度良
子母秘錄

小兒疳痢

因重者用檮白皮搗粉以水和棗作大餅

煮熟空肚吞七枚重者不過七服忌油膩熱麪毒

物○又方用檮根濃汁一瓊殼和粟米泔等分灌

下部再度即瘥其驗如神**休息痢疾**日夜無度醒

大人亦宜外臺秘要**休息痢疾**臭不可近磨

腹撮痛東垣脾胃論用椿根白皮訶黎勒各半兩

母丁香三十箇為末醋糊丸梧子大每服五十九

米飲下○唐瑤經驗方用椿根白皮東南行者長

流水內漂三日去黃皮焙為末每一兩加木香二

錢梗米飯為丸每服一水穀下利後即患痢兼腰

痛取檮根一大兩擣篩以好麪捻作餅如皂子

大水煮熱每日空心服十枚並無禁忌神良劉

禹錫傳**下利清血**腹中刺痛椿根白皮洗刮晒研

三四十九一加蒼木醋糊丸梧子大每空心米飲下

根殼減半經驗方**臟毒下痢**赤白用香椿洗刮

下一錢立效**臟毒下血**溫白丸用椿根白皮去粗

子大每淡酒服五十九或下血經年一盞煎七分

入酒半盞服或作丸服虛者加**血痢下血**臘月日

取背陰地北引檮根皮東流水洗淨掛風處陰乾

為末每二兩入寒食麪一兩新汲水丸梧子大陰

乾每服三十九水滾傾出溫水送下**脾毒腸風**

忌見日則無効名如神丸普濟方**脾毒腸風**

因管衛虛弱風氣襲之熱氣乘之血滲腸間故大

便下血用臭椿根刮去粗皮帶乾四兩蒼木米泔

浸焙枳殼麩炒各一兩為末醋糊丸如梧子**產後**

大每服五十九米飲下日三服本方**產後**

腸脫不能收拾者檮枝取皮焙乾一握水五升連

內乘熱熏洗冷則再熱一撮同煎至三升去滓傾盆

少時忌鹽鮮醬麪發風毒物及用心勞力等事年

深者亦治之
婦人良方
女人白帶
椿根白皮滑石等分爲末

下一百丸○又方椿根白皮一兩半乾薑炒黑白

芍藥炒黑黃蘗炒黑各二錢爲末如上法丸服

丹溪方
男子白濁
上方同

炭釋名鳳眼草
形象
主治大便下血
嘉祐

附方
新
陽風瀉血
椿莢半生半燒爲末每服
普濟方
誤吞

魚刺
生生編用椿樹子燒研酒服二錢○保壽堂
方用香椿樹子陰乾半益搗碎熱酒衝服良

久連骨
洗頭明目
用鳳眼草卽椿樹上叢生莢也
燒灰淋水洗頭經一年眼如童

子加椿皮灰尤佳
正月七月八月三月四日
四月五月五月二月六月四月七月七月八月三
日九月二十日十月二十三日十一月二十
九日十二月十四日洗之
衛生易簡方

漆

本經上品
釋名
叅
時珍曰許慎說文云漆本作叅木汁

集解
別錄曰乾漆生漢中山谷夏至後采乾之弘
景曰今梁州漆最甚益州亦有廣州漆性急

易燥其諸處漆桶中自然乾者狀如蜂房孔孔隔
者爲佳保昇曰漆樹高二三丈餘皮白葉似椿花

似槐其子似牛李子木心黃六月七月刻取滋汁
金州者最善漆性並急凡取時須在油解破故淳

者難得可重別制拭之上等清漆色黑如罌若
鐵石者好黃嫩若蜂窠者不佳頌曰今蜀漢今峽

襄斂州皆有之以竹筒釘入木中取汁崔豹古今
注云以剛斧斫其皮開以竹管承之滴汁則成漆

也宗奭曰濕漆藥中未見用者皆乾漆爾其濕者
在燥熱及霜冷時則難乾得陰濕雖寒月亦易乾

亦物之性也若需漬人以油治之凡驗漆惟稀者
以物蘸起細而不斷斷而急收更又塗于乾竹上

蔭之速乾者並佳時珍曰漆樹人多種之春分前移栽易成有利其身如柿其葉如楮以金州者為佳故世稱金漆人多以物亂之試訣有云微扇光如鏡懸絲急似鉤撼成琥珀色打着有浮漚今廣浙中出一種漆樹似小榎而大六月取汁漆物黃澤如金即唐書所謂黃漆者也入藥仍當用黑漆廣南漆作節糖氣沾滑無力

乾漆修治大明日乾漆入藥須搗碎炒熟不爾損人腸胃若是濕漆煎乾更好亦有燒存者

氣味辛溫無毒權曰辛鹹宗奭曰苦元素曰辛平夏為之使畏雞子忌油脂弘景曰生漆毒烈人以雞子和服之去蟲猶自嚙腸胃也畏漆人乃致死者外氣亦能使身肉瘡腫自有療法大明日毒發飲鐵漿并黃櫨汁甘豆湯喫蟹並可制之時珍曰

今人貨漆多雜桐油故多毒淮南子云蟹見漆而不乾相感志云漆得蟹而成水蓋物性相制也凡人畏漆者嚼蜀椒塗日鼻則可免生漆瘡者**主治**
絕傷補中續筋骨填髓腦安五臟五緩六急風寒
濕痺生漆去長蟲久服輕身耐老本經
乾漆療欬嗽

消瘀血痞結腰痛女子疝瘕利小腸去蛇蟲別錄殺
三蟲主女人經脈不通甄權
治傳尸勞除風大明
削年

深堅結之積滯破日久凝結之瘀血元素

發明弘景曰仙方用蟹消漆為水鍊服長生枹朴子云淳漆不粘者服之通神長生或以大蟹投其中或以雲母水或以玉水合之服九蟲悉下惡血從鼻出服至一年六甲行廚至也震亨曰漆

屬金有水與火性急而飛補用為去積滯之藥中
節則積滯去後補性內行人不知也時珍曰漆性
毒而殺蟲降而行血所主諸
證雖繁其功只在二者而已

附方 舊四 **小兒蟲病** 胃寒危惡證與癩相似者乾
漆搗燒烟盡白蕪荑等分為

未米飲服一字至 **九腫心痛** 及腹脇積聚滯氣筒
一錢 杜仁方

盡研末醋煮麩糊丸梧子大每服 **女人血氣** 婦人
五九至九九熱酒下 簡要濟聚 痛氣小腸氣撮

生長血氣疼痛不可忍及治丈夫痲氣小腸氣撮
痛者並宜服二聖丸濕漆一兩熬一食頃入乾漆

未一兩和丸梧子大每服三四九 **女人經閉** 指南
溫酒下治漆人不可服 經驗方 寒疝痛徹及產

後血氣不調諸瘕瘕等病川乾漆一兩打碎炒烟
盡半匙末一兩以生地黃汁一升入銀石器中慢

熬俟可丸丸如梧子大每服一丸加至三五丸酒

飲任下以通為度○產寶方治女人月經不利血
氣上攻欲嘔不得睡用當歸四錢乾漆三錢炒烟

盡為末煉蜜丸梧子大每服十五丸空溫酒下
○千金治女人月水不通臍下堅如盃時發熱往

來下痢羸瘦此為血瘦若生肉癥不可治也乾漆
一斤燒研生地黃二十斤取汁和煎至可丸丸梧

子大每服三 **產後青腫** 疼痛及血氣水疾乾漆大
丸空心酒下 麥芽等分為末新瓦瓶相

間鋪滿鹽泥固濟煨赤放冷研散每服一二錢 **五**
熱酒下但是產後諸疾皆可服 婦人經驗方

勞七傷 補益方用乾漆柏子仁山茱萸酸棗仁各
等分為末蜜丸梧子大每服二七丸溫酒

下日二服 **喉痺欲絕** 不可針藥者乾漆燒烟 **解中**
千金方

蠱毒 平胃散末以生漆和丸梧子大每空 **下部生**
心溫酒下七十九至百丸 直指方

瘡 生漆塗之良 肘後方

漆葉氣味

缺

主治五尸勞疾殺蟲暴乾研末日用

酒服一錢七

時珍

發明

頌曰華佗傳載彭城樊阿少師事佗佗授以漆葉青黏散方云服之去三蟲利五臟輕身

益氣使人頭不白阿從其言年五百餘歲漆葉所在有之青黏生豐沛彭城及朝歌一名地節一名黃芝主理五臟益精氣本出於迷入山見仙人服之以告佗佗以為佳語阿祕之近者人見阿之壽而氣力強盛問之因醉誤說人服多驗後無復人識青黏或云即黃精之正葉者也時珍曰按葛洪抱朴子云漆葉青黏凡藪之草也樊阿服之得壽二百歲而耳目聰明猶能持鍼治病此近代之實事良史所記注者一洪說猶近於理前言可年五百歲者誤也或云青黏即葳蕤

漆子主治下血

時珍

漆花主治小兒解顛腹脹交脛不行方中用之

時珍

梓

本經下品

釋名木王

時珍曰梓或作籽其義未詳按陸佃埤雅云梓為百木長故呼梓為木王蓋木

莫良于梓故書以梓材名篇禮以梓人名匠朝廷以梓宮名棺也羅願云屋室有此木則餘才皆不震其為木王可知

集解

別錄曰梓白皮生河內山谷弘景曰此即梓

樹之皮梓有三種當用朴素不腐者頌曰今近道皆有之宮寺人家園亭亦多植之木似桐而葉小花紫爾雅云椅梓郭璞注云即楸也詩廊風云椅桐梓漆爰伐琴瑟陸機注云楸之疏理白色而生子者為梓梓實桐皮為椅大同而小異也入藥當用有子者又一種鼠梓一名棟亦楸屬也枝葉木理皆如楸今人謂之苦楸江東人謂之虎梓

詩小雅云北山有楸是也鼠李一名鼠梓或云卽此然花實都不相類恐別一物而名同爾藏器曰楸生山谷間與梓樹本同末異或以爲一物者誤矣天明曰梓有數般惟楸梓皮入藥佳餘皆不堪

機曰按爾雅翼云說文言楸梓也梓楸也楸亦楸也然則楸梓楸一物四名而陸機詩疏以楸之白理生子者爲梓梓實桐皮者爲楸賈思勰齊民要術又以白色有角者爲梓卽角楸也又名子楸黃色無子者爲楸楸又名荆黃楸但以子之有無爲別其角細長如箸其長近尺冬後葉落而角猶在樹其實亦名豫章時珍曰梓木處處有之有三種木理白者爲梓赤者爲楸梓之美文者爲楸楸之小者爲楸諸家疏注殊次分明桐亦名楸與此不同此楸卽尸子所謂荆有長松文楸者也

梓白皮氣味苦寒無毒主治熱毒去三蟲本經療日中疾主吐逆胃反小兒熱瘡身頭熱煩蝕瘡煎湯

浴之并搗傅別錄煎湯洗小兒壯熱一切瘡疥皮膚

瘙癢大治温病復感寒邪變爲胃皖煮汁飲之時珍

附方新一時氣温病頭痛壯熱初得一日用生梓木

二升五合煎汁每服八合取瘥用后方

葉主治鳩傳猪瘡飼猪肥大三倍別錄療手脚火爛

瘡弘景曰桐葉梓葉肥猪之法未見應在商丘子

養見李當之本草及博物志然不云傳猪瘡也

附方新風癬疙瘡梓葉木綿子羯羊屎鼠屎等分入瓶中合定燒取其汁塗之

試驗方

楸

拾遺

釋名

楸時珍曰楸葉大而早脫故謂之楸榎葉小而早秀故謂之榎唐時立秋日京師賣楸

集解

見梓下周憲王曰楸有二種一種刺楸其樹高大皮色蒼白上有黃白斑點枝梗間多大刺葉似楸而薄味甘嫩時燥熟木淘過拌食時珍曰楸有行刺莖幹直聳可愛至由垂條如線謂之楸線其木濕時脆燥則堅故謂之良材宜作棋枰即梓之赤者也

木白皮

氣味苦小寒無毒微溫主治吐逆殺三蟲

及皮膚蟲煎膏粘傅惡瘡疽癩癰腫疔痔除膿血生肌膚長筋骨藏器消食澀腸下氣治上氣欬嗽亦

入面藥李口吻生瘡貼之頻易取效時珍

附方舊一癩瘡楸枝作煎頻洗取效白癩風瘡楸白皮五斤水

葉氣味

皮同主治擣傅瘡腫煮湯洗膿血冬取乾葉

藏器

○出范注方

發明

時珍曰楸乃外科要藥而近人少知葛常之韻語陽秋云有人患發背潰壞腸胃可窺百方不瘥一醫用立秋日太陽未升時采楸樹葉熬之為膏傅其外內以雲母膏作小丸服盡四兩不累日而愈也東晉范汪名醫也亦稱楸葉治瘡腫之功則楸有拔毒排膿之力可知

用之諸癰腫潰及內有刺不出者取葉十重貼之

藏器

○出范注方

發明

時珍曰楸乃外科要藥而近人少知葛常之韻語陽秋云有人患發背潰壞腸胃可窺百方不瘥一醫用立秋日太陽未升時采楸樹葉熬之為膏傅其外內以雲母膏作小丸服盡四兩不累日而愈也東晉范汪名醫也亦稱楸葉治瘡腫之功則楸有拔毒排膿之力可知

附方

舊一

上氣欬嗽

腹滿羸瘦者楸葉三斗水三

如棗大

以筒納入下部中立

一切毒腫

不問硬軟

重傳腫

上舊帛裹之日三易之當重重有毒氣為

水流在葉上

冬月取乾葉鹽水浸軟或取根皮搗

癩癧瘻瘡

楸煎神方

爛傳之皆效

止痛消腫食膿

癩癧瘻瘡

楸煎神方

早晚令人持袋

楸葉納袋斤秤取十五斤以水

一石淨釜中煎取

三斗又換鍋煎取七八升又換

鍋煎取二升

乃納不津器中用時先取麻油半合

蠟一分酥一栗

子許同消化又取杏仁七粒生薑

少許同研米粉

二錢同入膏中攪勻先塗瘡上仍

二日來乃拭却

即以篋子勻塗楸煎滿瘡上仍以

軟帛裹之日日

一拭更上新藥不過五六上已破

首即便牛肌未

破者即內消瘡後須將慎半年采

藥及煎時并禁

孝子婦人

僧道雞犬見之

篋中方

灸瘡不瘥

瘡癩瘻瘡

疥癩不瘥

瘡癩瘻瘡

瘡癩瘻瘡

瘡癩瘻瘡

為末傳之

頭癢生瘡

楸葉搗汁頻

兒髮不生

楸葉

搗汁頻塗

小兒目翳

楸葉三兩爛搗紙包泥裹

燒乾去泥入水少許絞汁銅

器慢熬如稀

小兒禿瘡

楸葉搗汁塗

之

桐

本經 下品

釋名

白桐

泡桐

椅桐

葉即白桐也

桐華成筒故謂之桐其材輕虛色白

而有綺文故俗謂之白桐

泡桐古謂之椅桐也先

花後葉故爾雅謂之榮桐

或言其花而不實者未

之察也陸機以椅為梧桐

郭璞以榮為梧桐並誤

集解

別錄曰桐葉生桐柏山谷弘景曰桐樹有四

青桐而有子

肥可食白桐一名椅桐人家多植

之與崗桐無異

但有花子二月開花黃紫色禮云

三月桐始華者也堪作琴瑟崗桐無子是作琴瑟者本草用桐華應是白桐頌曰桐處處有之陸機草木疏言白桐宜為琴瑟雲南牂牁人取花中白毳淹漬績以為布似毛服謂之華布椅即梧桐也今江南人作油者即桐也子大子梧子江南有桐秋開紅花無實有紫桐花如百合實堪糖煮以嗽嶺南有刺桐花色深紅宗奭曰本經桐葉不指定是何桐致難執用但四種各有治療白桐體重荏桐子可作桐油梧桐結子可食時珍曰陶注桐有四種以無子者為青桐桐有子者為梧桐白桐冠注言白桐岡桐皆無子蘓注以岡桐為油桐而賈思勰齊民要術言實而皮青者為梧桐華而不實者為白桐即油桐也子大有油其說與之華房非子也岡桐即油桐也子大有油其說與陶氏相反以今咨訪互有是蓋白桐即泡桐也葉大徑尺最易生長皮色粗白其水輕虛不生蟲蛙作器物屋柱甚良二月開花如牽牛花而白色

以相譜可分別矣

紫紫

結實大如巨棗長寸餘殼內有子片輕虛如榆莢葵實之狀老則殼裂隨風飄揚其花紫色者各岡桐荏桐即油桐也青桐即梧桐之無實者按陳翥桐譜分別白桐岡桐其明云白花桐文理粗而體性慢喜生朝陽之地因子而出者一年可起三四尺由根而出者可五七尺其葉圓大而尖長有角光滑而毳先花後葉花白色花心微紅其實大二三寸內為兩房房內有肉肉上有薄片即其子也紫花桐文理細而體性堅亦生朝陽之地不如白桐易長其葉三角而圓大如白桐色青多毛而不一且硬微赤亦先花後葉花色紫其實亦同白桐而微尖狀如訶子而粘房中肉黃色二桐皮色皆不同爾亦有冬月復花者

桐葉氣味苦寒無毒主治惡蝕瘡着陰
本經
消腫毒

生髮時珍

附方 新 手足腫浮 桐葉煮汁漬之并飲少許 癰疽

發背 大如盤臭腐不可近 桐葉醋蒸貼上退熱止

髮落不生 桐葉一把麻子仁三升米泔煮五六髮

白染黑 經霜桐葉及子多收搗碎以甑

木皮主治 五痔殺三蟲 本 療奔豚氣病 別 五淋沐

髮去頭風生髮滋潤 甄 治惡瘡小兒丹毒煎汁塗

之 時 珍

附方 新 腫從脚起 削桐木煮汁漬之并 傷寒發狂

六七日熱極狂言見鬼欲走取桐皮削去黑擘斷

吐下青黃汁數升 肘後方 跌撲傷損 水桐樹皮去青留白

花主治 傳猪瘡飼猪肥大三倍 本 經

附方 新 眼見諸物 禽蟲飛走乃肝膽之疾青桐子

為末每服二錢水煎和 思非 經

梧桐 綱 目

釋名 觀 時珍曰 梧桐名義未詳爾雅謂之觀因其

下 今 別 出 條

集解 弘景曰 梧桐皮白葉似青桐而子肥可食 頌

為椅 卽今梧桐是二種 俱有椅名也 遁甲書云 梧

一月當作葉

幪

○葉為一月至上十二月有閏十三葉小餘者視之則知閏何月也故曰梧桐不生則九州異宗奭曰梧桐四月開嫩黃小花一如棗花枝頭出絲墮地成油沾漬衣履五六月結子人收炒食味如菱茨此是月令清明桐始華者時珍曰梧桐處處有之樹似桐而皮青不敲其木無節直生理細而性緊葉似桐而稍小光滑有尖其花細蓋墜下如醜其莢長三寸許五片合成老則裂開如箕謂之橐鄂其子綴於橐鄂上多者五六少或二三子大如胡椒其皮綴羅願爾雅翼云梧桐多陰青皮白骨似青桐而多子其木易生鳥啣子墮軌生但晚春生葉早秋即凋古稱鳳凰非梧桐不棲豈亦食其實乎詩云梧桐生矣于彼朝陽齊民要術云梧桐云梧桐生山石間者為樂器更鳴響也

木白皮氣味 缺 **主治** 燒研和乳汁塗鬚髮變黃赤

時珍治腸痔 蘊頌○刪繁方治痔

葉 主治 發背灸集研末蜜調傅乾即易別

子 氣味甘平無毒 **主治** 擣汁塗拔去白髮根下必生黑者又治小兒口瘡和雞子燒存性研搽時珍

罌子桐 拾遺

釋名 虎子桐 拾遺 荏桐 衍 油桐 時珍曰 罌子因實狀似罌也虎子以其毒也荏者言其油似荏油也

集解 藏器曰 罌子桐生山中樹似梧桐頌曰南人作油者乃罌桐也有子大于梧子宗奭曰荏桐早春先開淡紅花狀如鼓子花成筒子子可作桐油時珍曰罌桐即白桐之紫花者油桐枝幹花葉並類罌桐而小樹長亦遲花亦微紅但其實大而圓每實中有二子或四子大如大風子其肉白

本草綱目卷之五十五 上 二十六

色味甘而吐人亦或謂之紫花桐人多種時收子
貨之為油入漆家及船船用為時所須人多偽之
惟以篋圈蘸起
如鼓面者為真

桐子油氣味甘微辛寒有大毒大明曰冷微毒時

酒即主治摩疥癬蟲瘡毒腫毒鼠至死藏器傳惡瘡

及宣水腫塗鼠咬處能辟鼠大明塗脛瘡湯火傷瘡

吐風痰喉痺及一切諸疾以水和油掃入喉中探

吐或以子研末吹入喉中取吐又點燈燒銅箸頭

烙風熱爛眼亦妙時珍

附方新癰腫初起桐油點燈入竹筒內薰之得血

風癩瘡胡粉收過研桐油調作膏貼之○又

桐油炙乾為末仍以桐油調作膏脚肚風瘡如癩

塗紙上刺孔貼之○楊起簡便方脚肚風瘡桐油

人乳等分掃之數酒皸赤鼻桐油入黃丹雄黃凍

瘡皸裂桐油一盞髮一握然化瓶收每以解砒石

毒桐油二升灌之吐即救急方

附錄椰桐音而郢切藏器曰生山谷間狀似青桐

毒治蚕咬毒氣入腹末服之雞犬食蠶欲死者煎

汁灌之絲爛即愈葉主蛇蟲蜘蛛咬毒搗爛封之

海桐宋開釋名刺桐珣曰生南海山谷中樹似桐

而皮黃白色有刺故以名之

本草綱目卷三十五

二十七

集解

頌曰海桐生南海及雷州近海州郡亦有之葉大如手作三花尖皮若梓白皮而堅勒可作繩入水不爛不拘時月采之又云嶺南有刺桐葉如梧桐其花附幹而生側敷如掌形若金鳳枝幹有刺花色深紅江南有刺桐紅花無實時珍曰海桐皮有巨刺如龜甲之刺或云即刺桐皮也按稽含南方草木狀云九真刺桐布葉繁密三月開花赤色照映三五房稠則三五復發陳翥桐譜云刺桐生山谷中文理細緊而性喜拆裂體有巨刺如蠟樹其實如楓楨桐身青葉圓大而長高三四尺便有花成朵而繁紅色如火為夏秋榮觀

木皮氣味苦平無毒

大明溫

主治霍亂中惡赤白久

痢除疳蠱疥癬牙齒蟲痛並煮服及含之水浸洗

目除膚赤

開寶

主腰脚不遂血脈頑痺腿膝疼痛赤

白瀉痢

李珣

去風殺蟲煎湯洗赤日

詩

發明

頌曰古方多用浸酒治風厥南唐筠州刺史王紹顏撰續傳信方云頃年予在姑洗得腰膝痛不可忍醫以腎臟風毒攻刺諸藥莫療因覽劉禹錫傳信方備有此驗修服一劑便減五分其方用海桐皮二兩半膝芍藥羌活地骨皮五加皮各一兩甘草半錢薏苡仁二兩生地黃十兩並淨洗焙乾到以綿包裹入無灰酒二斗浸之冬二七夏一七空心飲一盞每日早午晚各一次長令醱醱此方不得添減禁毒食時珍曰海桐皮能行經絡達病所又入血分及去風殺蟲

附方

新

風癰有蟲

海桐皮蛇牀子等分為末以臘猪脂調搽之艾元英如宜方

風蟲牙痛

海桐皮煎水漱

中惡霍亂

海桐皮煮汁服之聖濟

總錄

本草綱目卷三十一 木部 海桐皮 聖惠方

刺桐花主治止金瘡血殊效

類

附錄雞桐

時珍曰生嶺南山間其葉如棟用葉煮湯洗滌足膝風濕痺氣

棟

本經下品

釋名苦棟

經圖實名金鈴子

時珍曰按羅頤爾雅翼云棟葉可以練物故謂

之棟其子如小鈴熟則黃色名金鈴象形也

集解

別錄曰棟實生荆山山谷弘景曰處處有之俗人五月五日取葉佩之云辟惡也恭曰此

有雌雄兩種雄者無子根赤有毒服之使人不生能止時有至死者雌者有子根白微毒入藥當用雌者頌曰棟實以蜀川者為佳木高丈餘葉密如槐而長三四月開花紅紫色芬香滿庭實如彈丸生青熟黃十二月采之根采無時時珍曰棟長甚遠三五年即可作椽其子正如圓棗以川中者為

良王積農書言鷓鴣食其實應作鼠俗通言鷓食其葉宗懔歲時記言蛟龍畏棟故端午以葉包粽投江中祭屈原

實修治

數日凡采得熬乾酒拌令透蒸待皮軟刮去皮取肉去核用凡使肉不使核使核不

使肉如使核槌碎用藥水煮一伏時晒乾其花落于謂之石茱萸不入藥用嘉謨曰石茱萸亦入外科

氣味苦寒有小毒

元素曰酸苦平陰中之陽時珍曰得酒煮乃寒因註用也

主治溫疾傷寒大熱煩狂殺三蟲疥瘍利

之使

小便水道

本經主中大熱狂失心躁悶作湯浴不入

湯使入心及小腸止上下部腹痛

李杲瀉膀胱

治諸疝蟲痔

珍附

發明

元素曰熱厥暴痛非此不能除時珍曰棟實

瘦痛及疝氣為要藥甄權乃言不入湯使則本經

何以有治熱狂利小便之文耶近方治疝有四治

亦配合之巧耳

附方 舊三熱厥心痛 或發或止身熱足寒久不愈

內服金鈴散用金鈴子玄胡索各一兩為小兒冷

疝氣痛膚囊浮腫全鈴子去核五錢吳茱萸二錢

心鑑 丈夫疝氣 本臟氣傷膀胱連小腸等氣金鈴

赤為度放冷取出核為末巴麩不用每服三錢

鹽炒茴香半兩 經方 癩疝腫痛 澹寮方棟實

溼痛不可忍用川棟子肉五分一兩用

破故紙二錢炒黃一兩用小茴香三錢食鹽半錢

同炒一兩用萊菔子一錢同炒一兩用牽牛子三

錢同炒一兩用斑蝥七枚去頭足同炒棟實食鹽

麩糊丸梧子大每空心酒下五十九〇得效方棟

實丸治一切疝氣腫痛大有神效用川棟子酒潤

取肉一斤分作四分四兩用小麥一合斑蝥四十

枚同炒熟去豆四兩用小麥一合巴戟肉一兩同

炒熟去戟四兩用小茴香一合食鹽一兩同炒熟

去鹽加破故紙酒炒一兩廣木香不見火一兩為

末酒煮麩糊丸梧子大每服五十九鹽湯空心下

日三服〇直指方棟實丸治外腎脹大麻木痛破

及奔豚疝氣用川棟子四十九箇分七處切取肉

七箇用小茴香五錢同炒七箇用破故紙二錢半

同炒七箇用黑牽牛二錢半同炒七箇用食鹽二

錢同炒七箇用蘿蔔子二錢半同炒七箇用巴豆

十四箇同炒七箇用虫蝨十四箇去頭足同炒陳
去蘿蔔子巴豆斑蝥三味不用入青木香五錢南
木香官桂各二錢半為末酒煮麩糊丸梧子
大每服三十九食前用鹽湯下一日三服

下血 苦棟子炒黃為末蜜丸梧子大未
飲每吞十九至二十九 經驗方 **腹中長蟲**

棟實以淳苦酒漬一宿綿裹塞入穀 **耳卒熱腫** 棟
道中三寸許日二易之 外臺祕要

五合搗爛綿裹塞 **腎消膏淋** 病在下焦苦棟子茵
之頻換 聖惠方 香等分炒為末每溫

酒服一錢 **小兒五疳** 川棟子肉川芎等分為末
聖惠方 猪膽汁丸米飲下 摘玄方

根及木皮氣味苦微寒微毒 大明曰雄者根赤有
服鮮者入服食每一兩可入糯米五十粒同煎殺
毒若瀉者以冷粥止之不瀉者以熱葱粥發之

主治 虬蟲利大腸 苦酒和塗疥癬甚良 治遊

風熱毒風癩惡瘡疥癩小兒壯熱並煎湯浸洗 大

附方 舊二 新入 **消渴有蟲** 苦棟根白皮一握切焙入麝
心飲之雖困頓不妨下蟲如虬而紅色其渴 **小兒**

虬蟲 棟木皮削去蒼皮水煮汁量大小飲之○斗
同雞卵煮熟空心食之次日蟲下○集簡方用根皮

散用苦棟皮二兩白蕪荑半兩為末每以一二錢
水煎服之○簡便方用棟根白皮去粗二斤切水

一斗煮取汁三升沙鍋成膏五更初溫酒服一匙
以蟲下 **小兒諸瘡** 惡瘡禿瘡螻蝻瘡浸淫瘡並宜

為度 棟樹皮或枝燒灰傅之乾者猪
脂調 **口中瘻瘡** 東行棟根細到水煎濃汁日

千金方 目含漱吐去勿嚥 用后方 **蜈**

蚣蜂傷 棟樹枝葉汁塗之 **疥瘡風蟲** 棟根皮皂角

本草綱目卷三十五上 三十一

為未猪脂調
塗奇效方

花主治熱癰焙末摻之鋪席下殺蚤虱

葉主治疝入囊痛臨發時煎酒飲

槐
本經上品

校正
併入嘉祐
槐花槐膠

釋名
音懷時珍曰按周禮外朝之法面三槐三公位焉吳澄注云槐之言懷也懷來人於

此也王安石釋云槐黃中懷其美故三公位之春秋元命包云槐之言歸也古者樹槐聽訟其下使

實也

集解
別錄曰槐實生河南平澤可作神燭頌曰今處處有之其木有極高大者按爾雅槐有數

種葉大而黑者名橫槐晝合夜開者名守宮槐葉細而青綠者但謂之槐其功用不言有別四月五

月開黃花六月七月結實七月七日采嫩實搗汁

作煎十月采老實入藥皮根采無時醫家用之最

多時珍曰槐之生也季春五日而莢初生嫩芽可燻熱水

耳更旬而始規二旬而葉成初生嫩芽可燻熱水

淘過食亦可作飲代茶或采槐子種畦中采苗食

之亦良其木材堅重有青黃白黑色其花未開時

狀如米粒炒過煎水染黃甚鮮其實作茨蓮珠中

有黑子以子連多者為好周禮秋取槐檀之火淮

南子老槐生火天玄主物簿云老槐生丹槐之

神異如此藏器曰子上房七月收之堪染皂

槐實修治
子三子者以銅銚銚破用烏牛乳浸一

宿蒸
過用

氣味苦寒無毒
別錄曰酸鹹之才
主治五內邪氣

熱止涎唾補絕傷火瘡婦人乳痕子臟急痛

經木久

服明目益氣頭不白延年治五痔瘡癩以七月七

日取之搗汁銅器盛之日煎令可丸如鼠屎納竅

中日三易乃愈又墮胎別錄治大熱難產甄權殺蟲去

風合房陰乾煮飲明目除熱淚頭腦心胸間熱風

煩悶風眩欲倒心頭吐涎如醉漾漾如舡車上者

藏器治丈夫女人陰瘡濕痒催生吞七粒大明疎導風

熱宗奭治口齒風涼大腸潤肝燥李杲

發明好古曰槐實純陰肝經氣分藥也治證與桃

新益盛合泥百日皮爛為水核如大豆服之令腦

滿髮不白而長生頌曰折嫩房角作湯代茗主頭

風明目補腦水吞黑子以變白髮偏鵲明目使髮

不落法十月上巳日取槐子去皮紙新中封口

二七日初服一枚再服二枚日加一枚至十日又

從一枚起終而復始令人可夜讀書延年益氣力

大良時珍曰按太清草木方云槐者虛星之精十

月上巳日采子服之去百病長生通神梁書言庚

肩吾常服槐實年七十餘髮髮皆黑目看細字亦

其驗也古方以子入冬月牛膽中漬之陰乾百日

每食後吞一枚云久服明目通神白

髮還黑有痔及下血者尤宜服之

附方舊一槐肉丸治五種腸風瀉血糞前有血名

收名脫肛穀道四面疝肉如爛名舉痔頭上有孔

名瘻瘡內有蟲名蟲痔並皆治之槐肉去梗炒一

兩地榆當歸酒焙防風黃芩枳殼麩炒各半兩為

末酒糊丸梧子大每服五十九米飲下和劑局

方大腸脫肛槐角槐花各等分炒為末用羊血蘸

藥炙亦可。○內痔外痔 許仁則方用槐角子一斗

煎九梧子大每飲服十九兼作挺子納下目熱昏

部或以苦參末代地膽亦可外臺秘要

暗 槐子黃連二兩為末蜜丸梧子大每 大熱心悶

槐子燒末酒服方 聖濟總錄

槐花修治 宗奭曰未開時采收陳久者良入藥炒

鮮也 染色更 氣味苦平無毒 元素曰味厚 主治五痔心痛眼赤

殺腹臟蟲及皮膚風熱腸風瀉血赤白痢並炒研

服 大涼大腸 元素 炒香頻嚼治失音及喉痺又療吐

血衄崩中漏下

發明 時珍曰槐花味苦色黃氣涼陽明厥

附方 舊一新 衄血不止 槐花烏賊魚骨等分半生

舌衄出血 槐花末傅之即 吐血不止 槐花燒存性

研勻糯米飲下 咯血唾血 槐花炒鬱金煨各一兩為末每服

朱氏小便尿血 槐花淡豉湯下立效 錢中秘

氏方 大腸下血 經方一錢七○集簡方用柏葉三錢槐

花六錢煎湯日服○袖珍用槐花和 暴熱下血 生

殼等分炒存性為末新汲水服二錢 暴熱下血 生

臟一條洗淨控乾以炒槐花末填滿扎定米醋炒

鍋內煮爛插九罈子大日乾每服一丸空心當歸

本草綱目卷三十五上 三十四

煎酒化下 酒毒下血 槐花半生半炒一兩山冠

永類鈴方 二服 經 臙毒下血 新槐花炒研酒服三錢日三

驗良方 濟 婦人漏血 不止槐花燒存性研每服二血崩不

方 止 槐花三兩黃芩二兩為末每服半兩酒一益銅

秘艷 中風失音 嚼咽 危氏得效方 癰疽發背 凡

中熱毒眼花頭暈口乾舌苦心驚背熱四肢麻木

覺有紅暈在背後者即取槐花子一大抄跌杓炒

退再炒以好酒一盞汗之乘熱飲酒一汗即愈如未

此方三十年屢效者 楊梅毒瘡 乃陽明積熱所生

酒二盞煎十餘沸熱服胃 外痔長寸 用槐花煎湯

數日自縮 疔瘡腫毒 一切癰疽發背不問已成未

核桃仁二兩無灰酒一鍾煎十餘沸熱服未成 發

背散血 槐花茶葉豆粉各一升同炒象牙色研末用

留頭勿犯婦女手 下血血崩 槐花一兩樓灰五錢

半服 攝生妙用方 白帶不止 槐花炒壯蠟燭等分末

摘玄方 葉氣味苦平無毒 主治煎湯治小兒驚癇壯熱疥

癬及丁腫皮莖同用 大邪氣產難絕傷及癰疹牙

齒諸風采嫩葉食 孟 附方 霍亂煩悶 槐葉桑葉各一錢炙甘草

新舊二 附方 霍亂煩悶 槐葉桑葉各一錢炙甘草

附方 霍亂煩悶 槐葉桑葉各一錢炙甘草

附方 霍亂煩悶 槐葉桑葉各一錢炙甘草

風痔疾 用槐葉一斤蒸熟晒乾研末煎飲代茶久服明目 食醫心鏡 鼻氣窒塞

以水五升煮槐葉取三升下葱豉調和再煎飲 千金方

枝氣味 同葉 主治 洗瘡及陰囊下濕痒八月斷大枝

候生嫩葉煮汁釀酒療大風痿痺甚効 別錄 炮熱熨

蠹毒 恭 青枝燒瀝塗癬煨黑指牙去虫煎湯洗痔

核 頌 燒灰沐頭長髮 藏器 治赤目崩漏 時珍

發明 頌曰劉禹錫傳信方著硤州王及郎中槐湯灸痔法甚詳以槐枝濃煎湯先洗痔便以艾

灸其上北壯以知為度王及素有痔疾充西川安撫使判官萊驪入驛谷其痔大作狀如胡瓜熱氣如火至驛疆仆郵吏用此法灸至三五壯忽覺熱氣一道入腸中因大轉瀉先血後穢其痛甚楚瀉

後遂失胡瓜所 在登驟而馳矣

附方 舊五 風熱牙痛 槐枝燒熱烙 胎赤風眼 槐木

馬鞭大長二尺作二段齊頭麻油一匙置銅鉢中晨使童子一人以其木研之至瞑乃止令仰臥以塗日三九種心痛 當太歲上取新生槐枝一握去

服千金崩中赤白 不問遠近取槐枝燒灰食前酒胎

動欲產 日月未足者取槐樹東引枝令孕 陰瘡濕

痒 槐樹北面不見日枝煎水洗三五遍冷再暖之 孟詵必効方

木皮根白皮氣味苦平無毒 主治 爛瘡喉痺寒熱

別錄 煮汁淋陰囊墜腫氣痛煮漿水漱口齒風疔蠶

風痔疾 用槐葉一斤蒸熟晒乾研末煎飲代茶久服明目 食醫心鏡 鼻氣窒塞

以水五升煮槐葉取三升下葱豉調和再煎飲千金方

枝氣味 同葉 主治 洗瘡及陰囊下濕痒八月斷大枝

候生嫩葉煮汁釀酒療大風痿痺甚効 別錄 炮熱熨

蠹毒 恭 青枝燒瀝塗癬煨黑指牙去虫煎湯洗痔

核 頌 燒灰沐頭長髮 藏器 治赤目崩漏 時珍

發明 頌曰劉禹錫傳信方著硤州王及郎中槐湯灸痔法甚詳以槐枝濃煎湯先洗痔便以艾

灸其上北壯以知為度王及素有痔疾充西川安撫使判官萊驪入驛谷其痔大作狀如胡瓜熱氣如火至驛疆小郵吏用此法灸至三五壯忽覺熱氣一道入腸中因大轉瀉先血後穢其痛甚楚瀉

後遂失胡瓜所 在登驟而馳矣

附方 舊一 風熱牙痛 槐枝燒熟烙之聖惠方 胎赤風眼 槐枝如

馬鞭大長二尺作二段齊頭麻油一匙置銅鉢中晨使童子一人以其木研之至瞑乃止令仰臥以

塗日日九種心痛 當太歲上取新生槐枝一握去三度瘥兩頭用水三大升煎取一升頓

服千金崩中赤白 不問遠近取槐枝燒灰食前酒胎

動欲產 日月未足者取槐樹東引枝令孕 陰瘡濕

痒 槐樹北面不見日枝煎水洗三五遍冷再暖之孟詵必効方

木皮根白皮氣味苦平無毒 主治 爛瘡喉痺寒熱

別錄 煮汁淋陰囊墜腫氣痛煮漿水漱口齒風疔蠶

Kitasato Memorial Medical Library

作
五
回



血推甄治中風皮膚不仁浴男子陰疝卵腫浸洗五

痔一切惡瘡婦人產門痒痛及湯火瘡煎膏止痛

長肉消癰腫明大煮汁服治下血蘊

附方舊四中風身直不得屈申反復者取槐皮黃

取二升稍稍服肘后方破傷中風避陰槐枝上皮膚刻一

百壯不痛者灸至痛痛者片安傷處用艾灸皮上

升煮去滓入鹽少陰下濕痒槐白皮炒煎水痔瘡

有虫作痒或下膿血多取槐白皮濃煮汁先熏後

以皮為末綿裹納大便當有虫出不過三度即愈仍

槐膠氣味苦寒無毒主治一切風化涎肝臟風筋

脉抽掣及急風口噤或四肢不收頑痺或毒風周

身如蟲行或破傷風口眼偏斜腰背強硬任作湯

散丸煎雜諸藥用之亦可水煮和藥為丸嘉煨熟

綿裹塞耳治風熱聾閉時珍

槐耳見菜部

檀拾遺

釋名時珍曰朱子云檀善木也

集解藏器曰按蘓恭言檀似秦皮其葉堪為飲樹

本草綱目卷三十五

有坐字
群芳譜

有大水農人候之以占水旱號為水檀又有一種
葉如檀高五六尺生高原四月開花正紫亦名檀
樹其根如葛頌曰江淮河朔山中皆有之亦檀香
類但不香爾時珍曰檀有黃白二種葉皆如槐皮
青而澤肌細而膩體重而堅狀與梓榆莢遂相似
故俚語云研檀不諦得莢遂莢遂尚可得駁馬駁
馬梓榆也又名六駁皮色青白多
癩駁也檀木宜杵櫂鑿器之用

皮及根皮氣味辛平有小毒主治皮和榆皮為粉
食可斷穀救荒根皮塗瘡疥殺蟲

莢遂 唐本 草莢遂即繫迷今綱目作擊迷誤其通雅

擊一本作
繫

釋名擊迷 詩 羿先 上 同

集解 恭曰 莢遂葉似木槿及榆作小樹其子如疏
渡兩兩相對而色赤味甘陸機詩疏云檀榆

之類也所在山谷有之藏器
曰生北土山林中皮堪為索

枝葉氣味甘苦平無毒主治三蟲下氣消穀煮汁

和米作粥飼小兒甚美 唐本 作粥灌六畜瘡中生蛆

立出 藏器

本草綱目木部第三十五卷上終

本草綱目木部第三十五卷下

木之二

喬木類

秦皮

本經中品

校正

併入拾遺棹木

釋名

音

棹木

音

石檀

別錄

樊槻

弘景

盆桂

華

苦樹

一本黑圖之四字

蘇苦櫪

時珍曰

秦皮本名

作棹木

其木小而

而岑高故

云本出秦地

櫪

木也

恭曰

樹葉似檀

故名

石檀俗因味

苦呼為

樹

集解

別錄曰

秦皮生廬江

川谷及冤句

水邊二月

入月采皮

陰乾弘景曰俗云是樊槻皮而水

本草綱目木部

卷三十五下

虛當作許

潰以和墨書色不脫微青恭曰此樹似檀葉細皮有白點而不粗錯取皮漬水便碧色書紙看之皆青色者是真頌曰今陝西川郡及河陽亦有之其木大都似檀枝幹皆青綠色葉如匙頭虛大而光竝無花實根似槐根俗呼為白椿木

皮氣味苦微寒無毒

別錄曰大寒普日神農雷公黃帝岐伯酸無毒李當之小

寒懼曰平惡苦瓠防葵之才主治風寒濕痺洗洗

寒氣除熱目中青腎白膜久服頭不白輕身本經

男子少精婦人帶下小兒癩身熱可作洗目湯久

服皮膚光澤肥大有子別錄明目去目中久熱兩目

赤腫疼痛風淚不止作湯浴小兒身熱煎水澄清

洗赤目極效甄權主熱痢下重下焦虛古同葉煮湯

洗蛇咬并研末傅之藏器

發明弘景曰秦皮之俗方惟以療目道家亦有用處大明曰秦皮之功洗肝益精明目退熱元素

曰秦皮沉也陰也其用有四治風寒濕邪成痺青白幻翳遮睛女子崩中帶下小兒風熱驚癇好古曰痢則下焦虛故張仲景白頭翁湯以黃蘗黃連秦皮同用皆苦以堅之也秦皮浸水青藍色與紫草同用治目病以增光暈尤佳時珍曰秦皮色青氣寒味苦性瀉乃是厥陰肝少陽膽經藥也故治目病驚癇取其平木也治下痢崩帶取其收瀉也又能治男子少精益精有子皆取其瀉而補也故老子云天道貴瀉此藥乃服食及驚癇崩痢所宜而人止知其治目一節幾於廢棄良為可惋淮南子云秦皮色青治目之要藥也又萬畢術云秦皮止水謂其能收淚也高誘解作致水言能使水沸

者謬也

附方 赤眼生翳 秦皮一兩水一升半煮七合 澄清日溫洗一方加滑石

黃連等分 外臺秘 眼暴腫痛 秦皮黃連各一兩苦竹葉半 升水二升半煮取八合食後

溫服此乃謝道人 赤眼睛瘡 秦皮一兩清水一升 白盆中浸春夏一食

方也 外臺秘要 頰以上看碧色出即 以筋頭纏綿仰臥點令滿眼

微痛勿畏良久瀝取 熱汁日點十度以上不過兩 日瘥也 外臺秘要 眼弦挑鍼 乃肝脾積熱到秦皮夾沙糖

外臺秘要 血痢連年 秦皮鼠尾草薔薇根等分以水 煎取汁銅器重釜煎成丸如梧

子大每服五六九日 二服稍增 天蛇毒瘡 似癩非 以知為度亦可煎飲 千金方 寇宗奭本草

乃早開花蜘蛛也 人被其螫為露水所濡乃成此 疾以秦皮煮汁一斗飲之即瘥

合歡 本經 中品

釋名 合昏 唐本 夜合 華日 青裳 圖 萌葛 綱 烏賴樹 頌曰 古今注云欲獨人之忿則贈以青裳青裳合歡也

萱草忘憂藏器曰其葉至暮即合故云合昏時珍 曰按王粲百一選方云夜合俗名萌葛越人謂之

烏賴樹又金光明 經謂之尸利灑樹

集解 本經曰合歡生豫州山谷樹如狗骨樹別錄 曰生益州山谷弘景曰俗謂少識當以其非

療病之功也恭曰此樹葉似皂莢及槐極細五月 花發紅白色上有絲茸秋實作莢子極薄細所在

山谷有之今東西京第宅山池間亦有種者名曰 合昏頌曰今汴洛間皆有之人家多植於庭除間

木似梧桐枝甚柔弱葉似皂角極細而繁密互相 交結每一風來輒自相解了不相牽綴采皮及葉

類 本書作類

本草綱目卷之二十一 木部 三十五下

用不拘時月宗奭曰合歡花其色如今之黼暈絲
上半白下半肉紅散垂如絲為花之異其綠葉至
夜則合也嫩時煉
熟水淘亦可食

木皮去粗皮氣味甘平無毒主治安五臟和心志

令人歡樂無憂久服輕身明目得所欲本經煎膏消

癰腫續筋骨大殺蟲搗末和錙下墨生油調塗蚘

蛛咬瘡用葉洗衣垢藏折傷疼痛研末酒服二錢

七宗和血消腫止痛時珍

發明震亨曰合歡屬土補陰之功甚捷長肌肉續

科家未曾錄用何也

附方舊二肺癰唾濁心胸煩錯取夜合皮一掌大

韋實獨新三撲損折骨夜合樹皮即合歡皮去粗皮炒

每服二錢溫酒臥時服以滓傳髮落不生合歡木

之接骨甚妙王璆百一選方小兒撮口夜

墻衣五合鐵精一夜合水萍末二合研普濟方

勻生油調塗一夜一次中風攣縮夜合枝酒夜合枝

花枝濃煮汁拭口中中風攣縮夜合枝酒夜合枝

并洗之子母秘錄中風攣縮夜合枝酒夜合枝

榴枝各五兩並生剉糯米五升黑豆五升羌活二

兩防風五錢細麴七斤半先以水五斗煎五枝取

二斗五升浸米豆蒸熟入麴與防風羌活如常釀

酒法封三七日壓汁每飲五合勿過醉致吐常令

有酒氣也奇效良方

皂莢本經

中當作下

樹當作色

有當作見

猪牙上有
字

釋名皂角

綱

雞栖子

綱

烏犀

綱

懸刀

綱

時珍曰茨之
樹皂故名廣

志謂之雞栖子曾氏方謂之
烏犀外丹本草謂之懸刀

集解

別錄曰皂莢生雍州山谷及魯鄒縣如猪牙
者良九月十月采茨陰乾弘景曰處處有之

長尺二者良俗人見其有虫孔而未嘗存虫形皆
言不可近令人惡病殊不爾也其虫狀如草葉上
青虫微黑便出所以難見恭曰此物有三種猪牙
皂莢最下其形曲矣薄惡全無滋潤洗垢不去其
尺二者粗大長虛而無潤若長六七寸圍厚節促
直者皮薄多肉味濃大好頌曰所在有之以懷孟
者為勝木極有高大者本經用如猪牙者陶用尺
二者蘇用六寸圍厚者今醫家作疎風氣丸煎多
用長皂莢治齒及取積藥多用牙皂莢所用雖殊
性味不甚相遠其初生嫩芽以為蔬茹更益人時
珍曰皂樹高大葉如槐葉瘦長而尖枝間多刺夏
開細黃花結實有三種一種小如猪牙一種長而

肥厚多脂而粘一種長而瘦薄枯燥不粘以多脂
者為佳其樹多刺難上采時以篋籠其樹一夜自
落亦一異也有不結實者樹鑿一孔入生鉄三五
斤泥封之即結莢人以鉄砧槌皂莢即自損鉄碾
碾之久則成孔鉄鍋熨之多爆片
落豈皂莢與鉄有感召之情邪

皂莢修治

教曰凡使要赤肥并不蛀者以新汲水
浸一宿用銅刀削去粗皮以酥反復炙

透槌去子茲用每莢一兩用酥五錢好古曰
凡用有蜜炙酥炙絞汁燒灰之異各依方法

氣味辛鹹温有小毒

好古曰入厥陰經氣分時珍
曰入手太陰陽明經氣分之

才曰栢實為之使惡麥門冬畏空青人
參苦參機曰伏丹砂粉霜硫黃礞砂

主治風痺

死肌邪氣風頭淚出利九竅殺精物

本經療腹脹滿

消穀除欬嗽囊結婦人胞不落明目益精可為沐

藥不入湯別錄通關節頭風消痰殺蟲治骨蒸開胃

中風口噤大明破堅癥腹中痛能墮胎又將浸酒中

取盡其精煎成膏塗帛貼一切腫痛甄權溽暑久雨

時合蒼朮燒烟辟瘟疫邪濕氣宗奭燒烟熏久痢脫

肛汪機搜肝風瀉肝氣好古通肺及大腸氣治咽喉痺

塞痰氣喘欬風癘疥癬時珍

發明好古曰皂莢厥陰之藥活人書治陰毒正氣

散內用皂莢引入厥陰也時珍曰皂莢屬金

人手太陰陽明之經金勝木燥勝風故兼入足厥

陰治風木之病其味辛而性燥氣浮而散吹之導

之則通上下諸竅服之則治風濕痰喘腫滿殺

塗之則散腫消毒搜風治瘡按麗安時傷寒總病

論云元祐五年自春至秋黃二而死者甚多

得黑龍膏方救活數千人也其方治九種喉痺急

喉痺纏喉風結喉爛喉逆蛭蛭重舌木舌飛絲

入口用大皂莢四十挺切水三斗浸一夜煎至一

斗半入人參末半兩甘草末一兩煎至五升去滓

入無灰酒一升釜煤二七煎如飴入瓶封埋地中

一夜每溫酒化下一匙或掃入喉內取惡涎盡為

度後含甘草片又孫用和家傳秘寶方云凡人卒

中風昏昏如醉形體不收或倒或不倒或口角流

涎出斯須不治便成大病此證風涎潮于上胸痺

氣不通宜用急救稀涎散吐之用大皂莢肥實不

蛀者四挺去黑皮白礬光明者一兩為末每用半

錢重者三字溫水調灌不大嘔吐只是微微稀冷

涎或出一升二升當待惺惺乃用藥調治不可便

附方

舊二十六新

中風口噤

不開涎潮壅上皂角一挺去皮猪脂塗炙黃色

為末每服一錢溫酒調下氣壯者二錢以吐出風涎為度簡要濟眾方

五兩去皮為末三年大醋和之左嚼塗

右右嚼塗左乾更上之醋外臺祕要

皂莢一兩燒存性甘草一兩微炒

為末溫水調一錢灌之澹寮方

圭吹之能起死自縊將死皂莢末吹鼻

一宿者尚可活紙裹皂莢末納下

部須臾出水即活外一秘要

皂莢生研末每以少許點患處外以醋調厚封項

下須臾便破出血即愈或接水灌之亦良

方川皂角肉半截水醋半咽喉腫痛

蓋煎七分破出膿血即愈

七次勿令大焦為末每吹少許

入咽吐涎即止聖濟總錄

取痰如神大皂角半斤去皮子以蜜四兩塗上慢

火炙透視碎以熱水浸一時接取汁慢火熬成膏

三四片入淡漿水一小盞中洗淋下以筒吹汁入

鼻內待痰涎流盡吃脂麻餅一風邪癩疾

筒凝盡即愈立效普濟方

兩蒼耳根莖葉日乾四兩蜜陀僧一兩為末成丸

稍退只服二十九名一切痰氣

抵住丸梧子大每服五七

煉蜜丸梧子大每服五七

升浸一夜接取汁慢熬至可丸

後益漿水下十九又鈞痰膏用半夏醋煮過以

皂角膏和勻入明礬少許以柿餅

本草綱目卷三十五下

喘欬嗽 長皂莢三條去皮子一莢入巴豆十粒一

刺杏仁麻油制巴豆蜜制半夏一處火炙黃色為

未每用一字安手心臨臥以薑汁調之喫下神效

余居士 卒寒欬嗽 皂莢燒研或湯服 牙病喘息

選奇方 喉中水鷄鳴用肥皂莢兩挺酥炙取肉為末蜜丸

豆大每服一九取微利為度不利更服一日一服

效方 腫滿入腹 脹急皂莢去皮子炙黃為末酒一

後二便關格 通○宣明方 鐵脚丸用皂莢炙去皮

子為末酒麪糊丸每服五十九酒下○聖 食氣黃

惠方用皂莢燒爛于桶內坐上熏之即通 腫 氣喘胸滿用不蛀皂角去皮子醋塗炙焦為末

腫一錢巴豆七枚去油膜以淡醋研好墨和丸麻

子大每服三九食後陳橘皮湯下日三 胸腹脹滿

派隔一兩增一九以愈為度 經驗方

欲令瘦者猪牙皂角相續量長一尺微火煨去皮

子壽節蜜九如梧子服時先喫羊肉兩齋汁三

兩口後以肉汁香藥十丸以快利為度覺得力更

服以利清水即止藥瘥後一月不得食肉及諸油

臧 崔元亮 身面卒腫 洪清用皂莢去皮炙黃到

海上集驗方 卒熱勞疾 皂莢續成一尺以土酥

服一升一日三 搗篩蜜丸梧子大每日空腹飲下十五丸漸增

至二十丸重者不過兩劑愈 崔元亮海上方 急

勞煩熱 體瘦三皂莢丸用皂莢皂莢樹皮皂莢刺各

五度煎之候少凝入麝香末一分以童子小便浸

蒸餅丸小豆大每空心溫水下七丸 聖惠方

脚氣腫痛 皂角赤小豆為末酒醋 傷寒初得 陰陽

以皂角一挺肥者燒赤為末以水五 時氣頭痛 熱

合和頓服之陰病極效 千金方

本堂圖書

用皂角燒研新汲水一中盞姜汁蜜各少許和
錢服之先以暖水淋浴後服藥取汗即愈 聖惠

卒病頭痛 皂角末吹鼻取 腦宣不止 不蛀皂角去
碎入水後取濃汁熬成膏啗鼻口內咬 艷鼻不通

定良久涎出為度 張子和儒門事親 仍加白礬少許黃泥固濟

皂角末吹之 風熱牙痛 仍加白礬少許黃泥固濟

椒研日擦之 風蟲牙痛 外臺秘要方用皂莢末

全方用猪牙皂角食 指牙烏鬚 大皂角二十挺以

鹽等分為末日指之 霍亂轉筋 皂角末吹豆許入鼻

十遍為末日用指 普濟方 取嚏即安深師方

牙甚妙 普濟方 取嚏即安深師方

腸風下血 用長尺皂角五挺去皮子酥炙三次研
每溫水下二 大腸脫肛 不蛀皂角五挺槌碎水授

十九 聖惠 取汁二升浸之自收上收

後以湯盪其腰肚上下令皂角氣行則不再作仍
以皂角去皮酥炙為末棗肉和丸米飲下三十九

惠方 下部匿瘡 皂莢燒研綿裹 外腎偏疼 皂角和

木調傅之良 便毒腫痛 皂角炒焦水粉炒等分研

以水調之即效 又方用猪牙皂角七片煨黃去

皮出火毒為末空心溫酒服五錢 補珍方

便毒癰疽 皂角一條醋熬膏傅 婦人吹乳 補珍方

皂角去皮蜜炙為末酒服一錢 又詩云婦人吹

奶法如何皂角燒灰蛤粉和熱酒一盃調入字管

教時刻 丁腫惡瘡 皂角去皮酥炙焦為末入麝香

笑呵呵 小兒頭瘡 枯肥及白禿用皂角燒黑為末

普濟方 小兒惡瘡 去痴傅之不過三次即愈 鄧

筆峰術 小兒惡瘡 皂莢水洗拭乾以少麻 足上風

生雜典 油搗爛塗之 肘後方

後以湯盪其腰肚上下令皂角氣行則不再作仍

以皂角去皮酥炙為末棗肉和丸米飲下三十九

瘡

作痒甚者皂角灸

大風諸癩

長皂角二十條炙去皮子以酒煎稠

濾過候冷入雪糕

積年疥瘡

猪肚內放皂角煮熟每酒下五十九直指方

去皂角食之

射工水毒

生瘡皂莢長尺二者苦酒一升煎汁葵如飴塗之

肘後咽喉骨哽

猪牙皂角二條切碎生絹袋盛方

骨哽咽

皂角末吹鼻取

九里蜂毒

皂莢鑽孔貼叮處艾炙孔上三

五壯即安

腎風陰痒

以稻草燒皂角烟熏十救急方

子修治

數日揀取圓滿堅硬不蛀者以海煮熟剝去硬皮一重取向裏白肉兩片去黃以銅

水浸軟煮熟糖漬食之疎導五臟風熱壅

核中

白肉入治肺藥核中黃心嚼食治膈痰吞酸

和血潤腸

李杲治風熱大腸虛秘瘰癧腫毒瘡癬

發明

機曰皂角核燒存性治大便秘結其性得濕則滑滑則燥結自通也時珍曰皂莢味辛屬

金能通大腸陽明燥金乃辛以潤之之義非得濕則滑也

附方

舊三新一腰脚風痛不能履地皂角子一千二

未蜜丸梧子大每空心以蒺藜子

大腸虛秘

酸棗仁湯下三十九

千金方

脚氣人大腸或秘或利用下痢不止

去盡即變黃色屢驗皂角子瓦焙為末米糊丸

風下血

皂莢子槐實一兩用占殼糠炒香去糠為末陳粟米飲下一錢各神效

聖惠方

本草綱目卷三十五下

蘇頌仁

裏急後重

不蛀皂角子米糠炒過枳殼炒等分爲末飯丸梧子大每米飲下三十九普

濟方小兒流涎

脾熱有痰皂莢子仁半兩半夏湯泡七次一錢二分爲末姜汁丸麻子

大每溫水下五

惡水入口及皂莢水入口蒸痛不

分沙糖半兩和膏

婦人難產之皂角子二枚吞風蟲

牙痛

皂角子末綿裹彈子大兩顆醋煮熱更互熨之日三五度聖惠方粉萍面黔

皂角子杏仁等分研勻夜

預免瘡癩凡小兒每年

年歲吞皂莢子可免瘡癩之患大人亦可吞七枚

便癰初起

皂角子七箇研末水服效一方一切丁

腫

皂角子仁作末傳之千金方年久瘰癧阮氏經驗方用

百粒米醋一升研砂二錢同煮乾妙令酥看極子多少如一箇服一粒十箇服十粒細嚼米湯下酒浸煮服亦可。聖濟總錄言虛人不可用研砂也

刺一名氣味辛溫無毒

主治米醋熬煉刺作煎塗

瘡癬有奇效

蘇頌治癰腫妬乳風癩惡瘡胎衣不下

殺蟲

時珍

發明

楊士瀛曰皂莢刺能引諸藥性上行治上焦

病震亨曰能引至癰疽潰處甚驗時珍曰皂莢刺治風殺虫功與莢同但其銳利直達病所爲異耳神仙傳云左親騎軍崔言一旦得大風惡疾雙日昏盲眉髮自落鼻梁崩倒勢不可救遇異人傳方用皂角刺三斤燒灰蒸一時久日乾爲末食後濃煎大黃湯調一七飲之一旬眉髮再生肌潤日明後入山修道不知所終又劉守真保命集云

本草綱目卷之十一

癘風乃營氣熱風寒客于脉而不去宜先用樺皮

散服五七日後灸承漿穴七壯三灸後每旦早服

樺皮散午以升麻葛根湯下錢氏瀉青丸晚服一

聖散用大黃末半兩煎湯調皂角刺灰三錢乃緩

疎泄血中之風熱也仍戒房室三年樺皮散見樺

皮下又追風再造散即一聖散云服之便出黑虫

為驗數日再服直候虫盡為

絕根也新虫嘴赤老虫嘴黑

附方 新十小兒重舌 皂角刺灰入朴硝或腦子少

許漱口掺入舌下涎出自消

惠方 小便淋閉 皂角刺燒存性破故紙等分

下血 便前近腎肝便後近心肺皂角刺灰二兩胡

桃仁破故紙炒槐花炒各一兩為末每服一

錢米飲下 傷風下痢 風傷久不已而下痢膿血日

普濟方 槐花生用各半兩為末煉蜜丸梧子大

每服三十九米湯下日二服 補珍方 胎衣不下

皂角棘燒為末每服一錢 熊氏補遺 婦人乳癰 皂角刺燒存

溫酒調下 一錢和研每服一錢 乳汁結毒 產後乳汁不泄結

于各燒存性等分為末每 腹内生瘡 藥治者取皂

溫酒服二錢 袖珍方 煎至七分溫服其膿血

角刺不拘多少好酒一椀煎 灰酒服三錢爵葵子三

悉從小便中出極效下 灰酒者水煎亦可 蘭氏

經驗 瘡腫無頭 皂角刺燒存性研白及少 大風癩瘡

親 癩瘡惡瘡 皂角刺燒存性研白及少 大風癩瘡

選奇方用黃藥末皂角刺灰各三錢研勻空心酒

服取下虫物並不損人食白粥兩三日服補氣藥

水在綱目水下

本草綱目卷之三十一

癘風乃營氣熱風寒客于脉而不去宜先用樺皮

散服五七日後灸承漿穴七壯三灸後每旦早服

樺皮散午以升麻葛根湯下錢氏瀉青丸晚服一

聖散用大黃末半兩煎湯調皂角刺灰三錢乃緩

疎泄血中之風熱也仍戒房室三年樺皮散見樺

皮下又追風再造散即一聖散云服之便出黑虫

為驗數日再服直候虫盡為

絕根也新虫嘴赤老虫嘴黑

附方 新十小兒重舌 皂角刺灰入朴硝或腦子少

惠方 小便淋閉 皂角刺燒存性破故紙等分 腸風

下血 便前近腎肝便後近心肺皂角刺灰二兩胡

錢米飲下 傷風下痢 風傷久不已而下痢膿血日

普濟方 傷風下痢 數十度用皂角刺枳實麩炒

槐花生用各半兩為末煉蜜丸梧子大 胎衣不下

每服三十九米湯下日二服 袖珍方

皂角棘燒為末每服一錢 婦人乳癰 皂角刺燒存

溫酒調下 熊氏補遺 產後乳汁不泄結

一錢和研每服一錢 乳汁結毒 赤者皂角刺蔓荊

于各燒存性等分為末每 腹内生瘡 藥治者取皂

溫酒服二錢 袖珍方 煎至七分溫服其膿血

角刺不拘多少好酒一碗煎至 藥治者取皂

悉從小便中出極效不飲酒者 水煎亦可 蘭氏

經驗 瘡腫無頭 皂角刺燒存性研白及少 儒門事

方 瘡腫無頭 五粒其處如針刺為効 儒門事

親 癩瘰惡瘡 皂角刺燒存性研白及少 大風癩瘡

選奇方用黃蘗末皂角刺灰各三錢研勻空心酒

水在綱目水部

周石山 醫學博士
醫學博士 周石山

Kimsato Memorial Medical Library



兩為末每服一大錢酒一錢乳香一
塊煎七分去滓溫服 普濟本事方

木皮根皮氣味辛溫無毒主治風熱痰氣殺蟲
時珍

附方
新 **肺風惡瘡**
瘡痒用木乳即皂莢根皮秋冬
采如羅紋者陰乾炙黃白蒺藜

炒黃芪人參枳殼炒甘草炙等分
為木沸湯每服一錢 普濟方 **產後腸脫**
用皂

魚樹皮半斤皂角核一合川棟樹皮半斤石蓮子
炒去心一合為粗末以水煎湯乘熱以物圍定坐

熏洗之是乾便喫補氣丸
藥一服仰睡 婦人良方

葉主治入洗風瘡潔用
時珍

附錄鬼皂莢
藏器曰生江南驛畔狀如皂莢高一
二尺作湯浴去風瘡疥癬按葉去衣

垢沫髮
令長

肥皂莢
綱目

集解
時珍曰肥皂莢生高山中其樹高大葉如檀
及皂莢葉五六月開白花結莢長三四寸狀

如雲實之莢而肥厚多肉內有黑子數顆大如指
頭不正圓其色如漆而甚堅中有白仁如栗煨熟

可食亦可種之十月采莢煮熟搗爛和白麩及諸
香作丸澡身面去垢而膩潤勝於皂莢也相感志

言肥皂莢水死金魚辟馬蠹
楚見之則不就亦物性然耳

莢氣味辛溫微毒主治去風濕下痢便血瘡癬腫

毒
時珍

附方
新 **腸風下血**
獨子肥皂燒存性一片為末
糊丸成米飲下 普濟方

痢禁口
肥皂莢一枚以鹽實其內燒存性為末以
少許入白米粥內食之即效 乾坤生意

去
飯也

風虛牙腫

老人腎虛或因涼藥擦牙致痛用獨子肥皂以青益實之燒存性研末搽之或

入生樟腦十五文

頭耳諸瘡

眉癬燕窩瘡並用肥皂取存性一錢枯礬

一分研勻香油調

小兒頭瘡

因傷湯水成膿出水不止用肥皂燒存性

入膩粉麻油調

臘梨頭瘡

不拘大人小兒用獨核肥皂去核填入沙糖入

巴豆二枚扎定塩泥包服存性入檳榔輕粉五七

分研勻香油調茶先以灰汁洗過溫水再洗拭乾

乃搽一宿見效不

癬瘡不愈

以川槿皮煎湯用肥

須再洗

便毒初起

肥皂搗爛傳之甚效

核氣味甘腥温無毒主治除風氣

時珍

無患子

釋名桓

木患子

瘖婁

肥珠子

油珠子

菩提子

鬼見愁

藏器

目綱遺拾

劫百鬼得鬼則以此木為棒棒殺之世人相傳以此

患也時珍曰俗名為鬼見愁道無患人又訛為木

緣此義也釋家取為數珠故謂之菩提子與薏苡

同名纂文言其木名盧鬼木山人呼為肥珠

集解

藏器曰無患子高山大樹也子黑如漆珠博

香纓及流垢宗奭曰今釋子取為念珠以紫紅色

小者佳入藥亦少西洛亦有之時珍曰生高山中

樹甚高大枝葉皆如椿其葉對生五六月開白

花結實大如彈丸狀如銀杏及苦楝子生青熟黃

擗

老則文皺黃時肥如油燻之形味辛氣腫且硬其
蒂下有二小子相粘承之實中一核堅黑似肥皂
莢之核而正圓如珠殼中有仁如榛子仁亦辛腫
可炒食十月采實煑熟去核搗和麥麩或豆麩作
澡藥去垢同於肥皂用洗真珠甚妙山海經云袂
周之山其木多桓郭璞注云葉似柳皮黃不錯子
似棟着酒中飲之辟惡氣浣之去垢核堅正黑即
此也今武當山中所出鬼見愁亦是樹莢之子其
形正如刀豆子而色褐彼人亦以
穿數珠別又是一物非無患也

子皮即核外氣味微苦平有小毒主治澀垢去面

野喉痺研納喉中立開又主飛尸藏器

附方 新 洗頭去風 明目用楸子皮皂角胡餅菖蒲
同健碎漿水調作彈子大每用

泡湯洗頭良 洗面去野 楸子肉皮搗爛入白麩和
多能離事 九丸每日用洗面去垢

及野甚良 集簡方

子中仁氣味辛平無毒主治燒之辟邪惡氣藏器煨

食辟惡去口臭時珍

附方 新 牙齒腫痛 肥珠子一兩大黃香附各一兩
青鹽半兩泥固煨研日用擦牙

濟方 普

藥華 本經 下品

集解 別錄曰藥華生漢中川谷五月采恭曰此樹
似酸漿其中實如熟豌豆圓黑堅硬堪為數珠

者是以五月六月花可收南人以染黃甚鮮明又
以療目赤爛頰曰今南方及汴中園圃間或有之
宗奭曰長安山中亦有之其子謂之木藥子携至

本草綱目卷三十五 下 十五

考細 常言

穀 一作賊

京都為數珠
未見入藥

華氣味苦寒無毒

之才曰使

主治目痛淚出傷背

消目腫

本經

合黃連作煎療目赤爛

蘇恭

無食子

唐本草

一作食

釋名沒石子

開寶

墨石子

炮炙論

麻茶澤

珣曰波斯人每食以代果

故番胡呼為沒食子梵書無與沒同音今人呼為墨石沒石轉傳訛矣

集解

按沒成式西陽雜俎云無食子出波斯國呼為摩澤樹高六七丈圍八九尺葉似桃而長三月開花白色心微紅子圓如彈丸初青熟乃黃白重

罌成孔者入藥用其樹一年生無食子一年生核屢子大如指長三寸上有股中仁如栗黃可噉時

珍曰按方輿志云大食國有樹一年生如粟子而

長名曰蒲盧子可食次年則生麻茶澤即沒石子也間歲互生一根異產如此一統志云沒

子修治

數曰凡使勿犯銅鉄并被火驚用顆小無

再研如烏犀色入藥

氣味苦温無毒主治赤白痢腸滑生肌

肉

唐本腸虛冷痢益血生精和氣安神烏髭髮治陰

毒痿燒灰用

李珣

温中治陰瘡陰汗小兒疳蠶冷滑

不禁

馬志

發明

宗奭曰沒石子合他藥染鬚造墨家亦用之珣曰張仲景用治陰汗燒灰先以湯浴了布

裹灰撲之甚良

附方 舊三五 血痢不止 沒石子一兩為末飯丸小豆

普濟 小兒久痢 沒石子二箇熬黃研末 宮氣方 產後下痢

沒石子一箇燒存性研末酒服 牙齒疼痛 綿裹無

熱即飲下口 子母秘錄 南方沒石子有孔者

一錢咬之涎出吐 鼻面酒皴 水磨成膏夜塗之

甚妙 聖濟總錄 鼻急疔 沒石子末吹下部 大小口瘡

氏得效方 危 口鼻急疔 即瘥 千金方 大小口瘡

沒石子炮三分甘草一分研末搽之月內小兒生

者少許置乳上吮之入口即啼不過三次 聖惠

方 足趾肉刺 無食子三枚肥皂炭一挺燒存性

為末醋和傅之立效 奇效方

訶黎勒 釋名 訶子 時珍曰訶黎勒梵

言天主持來也

集解 恭曰訶黎勒生交州愛州 嶺曰今嶺南皆有

攪青黃色皮肉相着七月八月實熟時采六路者

佳嶺南異物志云廣川法性寺有四五十株子極

小而味不瀟皆是六路每歲州貢只以此寺者寺

有古井木根蘸水水味不鹹每于熟時有佳客至

則院僧煎湯以延之其法用新摘訶子五枚甘草

一寸破之汲井水同煎色若新茶今其寺謂之乾

明古寺尚在舊木猶有六七株南海風俗尚貫此

湯然煎之不必盡如昔時之法也訶子未熟時風

飄墮者謂之隨風子暴乾收之益小者佳彼人尤

珍貴之蕭炳曰波斯舶上來者六路黑肉厚者

良六路即六稜也 教曰凡使勿用 舩黎勒个个毗

頭也若訶黎勒文或入路至十 多或少並是雜路

修治 教曰凡用訶黎勒酒浸後蒸一伏時 氣味苦

本草綱目木部 卷三十五下 十七

温無毒

權曰苦甘兩曰苦酸兩曰酸瀼温好古

主

治冷氣心腹脹滿下食

唐本破胸膈結氣通利津液

止水道黑髭髮

權甄下宿物止腸澼久洩赤白痢

消痰下氣化食開胃除煩治水調中止嘔吐霍亂

心腹虛痛奔豚腎氣肺氣喘急五膈氣腸風瀉血

崩中帶下懷孕漏胎及胎動欲生脹悶氣喘并患

痢人肛門急痛產婦陰痛和蠟燒烟熏之及煎湯

熏洗

大治痰嗽咽喉不利含三數枚殊勝

腸欬肺降火

震亨

發明

宗奭曰訶黎勒氣虛人亦宜緩緩服少服此物雖瀼陽而又泄氣其味苦瀼故爾果曰

肺苦氣上逆急食苦以泄之以酸補之訶子苦重瀉氣酸輕不能補肺故嗽藥中不用震亨曰訶子下氣以其殊苦而性急肺若急急食苦以瀉之謂降而下走也氣實者宜之若氣虛者似難輕服又治肺氣因火傷極遂一遇脹滿其味酸苦有收欬降火之功也時珍曰訶子同烏梅五倍子用則收欬同橘皮厚朴用則下氣同人參用則能補肺治咳軟東垣云嗽藥不用者非矣但欬未久者不可驟用爾雅稱含草木狀言作飲久服令髭髮白者變黑亦取其瀼也瑜曰訶黎皮主嗽肉主眼瀼痛波斯人將訶黎勒大腹等在船上用防不虞或遇大魚放涎滑水中數里船不能通乃奠此洗其涎滑尋化為水則其治氣消痰功力可知矣○慎微曰金光明經言流水長者除病品云熱病下藥服訶黎勒又廣異記云高仙芝在大食國得訶黎勒長三寸置抹肚下便覺腹中痛因大痢十餘行疑

訶黎勒為果後問火食長老云此物人帶一切病
消利者乃出惡物爾仙芝實之後被誅失所在○
頌曰訶黎主痢唐本草不載張仲景治氣痢有方
唐劉禹錫傳信方云予曾苦赤白下諸藥服遍久
不差轉為白膿令狐將軍傳此方用訶黎勒三枚
兩炮一生並取皮末之以沸漿水一合服之若只
木痢加一錢七甘草末若微有
膿血加三七血多亦加三七

附方 新舊九 **下氣消食** 訶黎一枚為末瓦器中水一
大升煎三兩沸下藥更煎三

五沸如麴塵色入少 **一切氣疾** 宿食不消訶黎一
益飲之 食醫心鏡 枚入夜含之至明

嚼嚥○又方訶黎三枚濕紙包煨 **氣嗽日久** 生訶
熟去核細嚼以牛乳下 千金方 煎檳榔湯一

枚含之嚥汁瘥後口爽不知食味却煎檳榔湯一
盞服立便有味此知連州成密方也 經驗方

嘔逆不食 訶黎勒皮二兩炒研糊丸梧子大空
心湯服二十九日三服 廣濟方 風

痰霍亂 食不消大便瀉訶黎三枚取皮為末 **小兒**
和酒頓服三五次妙 外臺秘要

霍亂 訶黎一枚為末沸湯服一 **小兒風痰** 壅閉語
半未止再服 子母秘錄 音不出

氣促喘悶手足動搖訶子半生半炮去核大 **風熱**
腹等皮分水煎服各二聖散 全幼心鑑

衝頂 熱悶訶黎二枚為末芒消一錢同人 **氣痢水**
醋中攪令消磨塗熱處 外臺秘要

瀉 訶黎勒十枚麩裹煨火煨熟去核研末粥飲頓
服亦可飯丸服一加木香○又長服方訶黎勒

陳橘皮厚朴各三兩搗篩蜜丸大如梧 **水瀉下痢**
子每服二三十九白湯下 圖經本草

訶黎勒炮二分肉豆蔻一分 **下痢轉白** 訶子三
末米飲每服二錢 聖惠方

一生為末沸湯調服水痢 **赤白下痢** 訶子十二箇
加甘草末一錢 普濟方

核煨為末赤痢生甘草湯下白痢炙甘 **妬精下疳**
草湯下不過再服 趙原陽濟急方

大訶子燒灰入麝香少許先以米泔水洗後搽之
或以刺芥黃藥甘草馬鞭草葱白煎湯洗亦可昔
方士周守真醫唐靖爛莖一二寸用此取効也
洪邁夷堅志

核主治磨白蜜注目去風赤痛神良蘇頌止欬及痢

時珍

葉主治下氣消痰止渴及洩痢煎飲服功同訶黎

時珍。唐包佶有病中謝李吏部惠訶黎勒葉詩

婆羅得宋開寶

釋名婆羅勒時珍曰婆羅得梵言重生果也

集解珣曰婆羅得生西海波斯國樹似中華柳樹子如葎麻子方家多用之時珍曰按王蓋外

臺秘要婆羅勒似葎麻子但以指甲爪之即有汁出即此物也

子氣味辛溫無毒主治冷氣塊溫中補腰腎破瘰

瘰可染髭髮令黑瘰器

附方新一拔白生黑婆羅勒十顆去皮取汁熊脂二兩白馬鬣膏煉過一兩生薑炒

一兩母丁香半兩為末和煎每拔白點之指令人肉即生黑者此巖中丞所用方也孟詵近方

櫟別錄

釋名櫟柳行鬼柳時珍曰其樹高舉其木如柳故名山人訛為鬼柳郭璞註爾雅

作柎柳云似柳皮可煮飲也

集解弘景曰櫟樹山中處處有之皮似檀櫟葉如櫟柎人多識之恭曰所在皆有生溪澗水

不當作下
須當作類

倒葉似檉而狹長樹大者連抱高數仞皮極粗厚
殊不似檀宗奩曰櫟木今人呼為櫟柳其葉謂柳
非柳謂槐非槐最大者木高五六丈合二三人抱
湖南北甚多然亦和材也不堪為器嫩皮取以緣
栲栳及箕唇時珍曰櫟材紅紫作箱案之類甚佳
鄭樵通志云櫟乃榆須而枚烈其實亦如榆錢之
狀鄉人采其
葉為甜茶

木皮修治數日凡使勿用三四年者無力用二十
年以來者心空其樹只有半邊向西生

者良剝下去粗皮細剝蒸
之從已至未出焙乾用

氣味苦大寒無毒主治時行頭痛熱結在腸胃別錄

夏日煎飲去熱弘景俗用煮汁服療水氣斷痢蘇恭安

胎止妊婦腹痛山櫟皮性平治熱毒風癩腫毒大明

附方舊一通身水腫櫟樹皮煮汁日
飲聖惠方毒氣攻腹手足

腫痛櫟樹皮和櫟皮煮汁煎如飴附後方蠱毒下血櫟皮一尺

蘆根五寸水二升煮一升小兒痢血梁州櫟皮二十分炙犀角

頃服當下蠱出千金方飛血赤眼櫟皮去粗
皮切二兩

十二分水三升煮取一升分古錢七文水一升半煎七合去
滓熱洗日二次聖濟總錄

葉氣味苦冷無毒主治按貼火爛瘡有效蘇恭治腫

爛惡瘡搗搗晉之大明

柳本經
下品

釋名小楊說文楊柳弘景曰柳即今水楊柳也恭曰
柳與水楊全不相似水楊葉圓

本草綱目卷三十五下

奇 義 愈 奇 當 作 甲

潤而尖枝條短硬柳葉狹長而青綠枝條長軟陶
以柳為木楊非也藏器曰江東人通名楊柳北人
都不言楊楊樹枝葉短柳樹枝葉長時珍曰楊枝
硬而揚起故謂之楊柳枝弱而垂流故謂之柳蓋
一類二種也蘇恭所說為是按說文云楊蒲柳也
從木易聲柳小楊也從木尹聲易音陽音酉又
爾雅云楊蒲柳也從木尹聲柳也觀此則楊
可稱柳柳亦可稱楊故今南人猶併稱楊柳命宗
本種樹書言順棟為柳倒棟為楊其說牽強且
夫揚起之意宗奭曰釋家謂柳為尼俱律陀木
集解 俗所謂揚柳者也其類非一蒲柳即水楊也
枝勁韌可為箭箒多生河北杞柳生水旁葉粗而
白木理微赤可為車轂今人取其細條火逼令柔
屈作箱篋孟子所謂杞柳為栝棬者魯地及河朔
尤多種柳見本條時珍曰楊柳縱橫倒順棟之皆
生春初生柔莢即開黃蕊花至春晚葉長成後花
中結細黑子蕊落而絮出如白絨因風而飛于蒼

衣物能生虫入池沼即化為浮萍古者春取榆柳
之火陶朱公言種柳于樹可足柴炭其嫩芽可作
湯飲

柳華 釋名 柳絮 本經 正誤 見 氣味 苦寒無毒 主治 風

水黃疸面熱黑 痂疥惡瘡金瘡柳實主潰癰逐

膿血子汁療渴 華主止血治濕痺四肢攣急膝

痛 權 甄

發明 弘景曰柳華熟時隨風狀如飛雪當用其未

本經以柳絮為花其誤甚矣花即初發時黃蕊其
子乃飛絮也承曰柳絮可以捍羶代羊毛為茵褥
柔軟性涼宜與小兒臥尤佳宗奭曰柳花黃蕊乾
時絮方出收之貼灸瘡良絮之下連小黑子因風

而起得水濕便生如苦買地丁之花落結子成絮
古人以絮為花謂花如雪者皆誤矣藏器之說為
是又有實及子汁之文諸家不解今人亦不見用
時珍曰本經主治風水黃疸者柳花也別錄主治
惡瘡金瘡潰癰逐膿血藥性論止血療痺者柳絮
及實也花乃嫩蕊可搗汁服子與絮連難以分別
惟可貼瘡止血畏痺之用所謂子汁療渴者則連
絮浸漬研汁服之爾又崔寔四民月令言三月三
日及上除日采絮愈疾則入藥多用絮也

附方 新吐血咯血 柳絮焙研米飲服 金瘡血出 柳絮

封之即止。面上膿瘡 柳絮膩粉等分以燈 走馬

牙疳 楊花燒存性入麝香 大風瀉瘡 楊花四兩搗

待乾取下米泔水浸一時取起瓦焙研末二兩白
花蛇烏蛇各一條去頭尾酒浸取肉全蠍蜈蚣蟾

酥雄黃各五錢苦參天麻各一兩為末煎麻黃
取汁熬膏和充梧子大硃砂為衣每服五丸
酒下一日三服以愈為度 腳多汗濕 楊花著鞋及襪
度 孫氏集效良方 內穿之 摘玄

葉氣味 同 主治惡疥痂瘡馬疥煎煮洗之立愈又

療心腹內血止痛 煎水洗漆瘡 天行熱病傳

尸骨蒸勞下水氣煎膏續筋骨長肉止痛主服金

石人發大熱悶湯火瘡毒入腹熱悶及丁瘡 華日療

白濁解丹毒 時珍

附方 舊一 小便白濁 清明柳葉煎湯代茶 小兒丹

煩 柳葉一斤水一斗煮取汁三升榻 着毛脫落 垂

葉陰乾為末每薑汁於鐵器中調夜夜摩之聖惠方卒得惡瘡不可名識者柳葉或

皮水煮汁入少鹽頻洗之肘後方面上惡瘡方同痘爛生蛆葉鋪柳

愈也李樓奇方

枝及根白皮氣味同主治痰熱淋疾可為浴湯洗

風腫瘙痒煮酒漱齒痛蘇小兒一日五日寒熱煎

枝浴之煎服治黃疸白濁酒煮熨諸痛腫去風

止痛消腫時珍

發明頌曰柳枝皮及根亦入藥葛洪肘後方治癰疽腫毒妬乳等多用之韋宙獨行方主下瘡及反花瘡並煎柳枝葉作膏塗之今人作浴湯膏藥牙齒藥亦用其枝為最要之藥時珍曰柳枝去

風消腫止痛其嫩枝削為牙杖滌齒甚妙

附方新入黃疸初起柳枝煮濃汁半升外臺秘要脾胃虛弱不思飲食食下不化病似翻胃噎膈清明日取柳枝一大把熬湯煮小米作飯酒麪滾成珠子晒乾袋懸風處每用燒滾水隨意下米米沉住火少時米浮取看無硬心則熟可頓食之久則麪散不粘矣名曰絡索米

走注氣痛氣痛之病忽有一處如打撲之狀不可忍走注

不定靜時其處冷如霜雪此皆暴寒傷之也以白酒煮楊柳白皮暖熨之有赤點處鑱去血妙凡諸

卒腫急痛熨之皆即風毒卒腫上方同陰卒腫痛柳

三尺長二十枚細剉水煮極熱以故帛裹包腫處仍以熱湯洗之集驗方項下癭氣

水涯露出柳根三十斤木一斛煮取五升齒齲腫

以糯米三斗如常釀酒日飲范汪方

痛 垂柳枝槐白皮桑白皮白楊皮等分煎水熱含

冷吐○又方柳枝槐枝桑枝煎木熬膏入薑汁

細辛芎藭末每用 風蟲牙痛 楊柳白皮卷如指大

擦牙 聖惠方 過卽愈○又方柳枝一握剉入少盞花漿木煎含

甚驗○又方柳枝剉一升大豆一升合炒豆熟釜

器盛之清酒三升漬三日頻 耳痛有膿 柳根細切

含漱涎三日愈 古今錄驗 耳痛有膿 熟搗封之

燥卽易之 漏瘡腫痛 柳根紅鬚煎水日洗○摘玄

斗門方 出水 乳癰妬乳 初起堅紫衆療不嗟柳根皮熟搗

卽効 反花惡瘡 肉出如飯粒根深膿潰柳枝葉三

方 後 聖惠方 天龍丹毒 赤從背起柳木灰水 湯火灼瘡

塗之 柳皮燒灰塗之亦可以根白 痔瘡如瓜 腫痛如火

皮煎猪脂頻傳之 肘後方 瘡瘡如瓜 柳枝煎濃

湯洗之艾炙三五壯王及鄭中病此醫史用此方

灸之覺熱氣入腸大下血穢至痛一項遂消馳焉

而去 本事方 柳膠主治惡瘡及結砂子 珍時

柳寄生 見後寓 柳耳 見葉部

柳蠹 見虫部 柳 音偵○ 宋開寶

釋名 赤柳 華 赤楊 古今 河柳 爾雅 雨師 垂絲柳 綱

人柳 綱 三眠柳 衍 觀音柳 時珍曰按羅願爾雅翼

云天之將雨柳先知之

大雅綱目大下 卷三十五下 二五

起。氣以應。又負霜雪不凋。乃木之聖者也。故字從聖。又各雨師。或曰得雨則垂垂如絲。當作雨絲。又三輔故事云。漢武帝苑中有柳。狀如人。號曰人柳。一日三起三眠。則柳之聖。又不獨知雨。負雪而已。今俗稱長壽仙人柳。亦曰觀音柳。謂觀音用此酒水也。宗奭曰。今人謂之三春柳。以其一年三秀。故名。

集解 志曰。赤柳。木生河西沙地。皮赤色。細葉。禹錫曰。爾雅。柳。河柳也。郭璞注云。今河旁赤莖小楊也。陸機詩。疏云。生水旁。皮赤如絳。枝葉如松。時珍曰。柳。柳小幹弱。枝插之易生。赤皮細葉如絲。柳。

娜可愛。一年三次作花。花穗長三四寸。水紅色。如蓼花色。南齊時。益州獻蜀柳條。長狀若絲。縷者。卽此柳也。良成式。酉陽雜俎。言涼州有赤白柳。大者爲炭。其灰汁可以煮銅。故沈炯賦云。柳似栢而香。玉頰農書云。山柳赤而脆。河柳白而明。則柳又有白色者也。宗奭。汴京甚多。河西或人取滑枝爲鞭。

字 夔下有曰

木氣味 甘鹹溫無毒 **主治** 剝驢馬血入肉毒取木

片火炙熨之并煮汁浸之 **枝葉消痞解酒毒利**

小便 時珍

附方 新 **腹中痞積** 觀音柳煎湯露一夜五更空心

一切諸風 不問遠近。柳葉半斤。切枝亦可。荆芥半斤。水五升。煮二升。澄清入白蜜五合。竹

瀝五合。新瓶盛之。油紙封入。重湯煮一酒多致病。

伏時每服一小盞。日三服。普濟方。

長壽仙人柳。晒乾爲末。每服一錢。溫酒調下。衛生易簡方。

柳乳 卽脂 **主治** 合質汗藥治金瘡 寶開

水楊 唐本 草

本草綱目卷三十五下

釋名青楊綱目蒲柳爾雅蒲楊古今注蒲核音移移柳古今注

藿苻音九蒲時珍曰楊枝硬而楊起故謂之楊多宜水涘蒲藿之地故有水楊蒲柳藿苻之名

集解恭曰水楊葉圓潤而尖枝條短硬與柳全別柳葉狹長枝條長軟頌曰爾雅楊蒲柳也其

枝勁韌可為箭筈左傳所謂董澤之蒲又謂之藿苻今河北沙地多生之楊柳之類亦多崔豹古今

注云白楊葉圓青楊葉長柳葉長而細核楊葉圓而弱水楊即蒲柳亦曰蒲楊葉似青楊莖可作矢

亦楊霜降則葉赤材理亦赤然今人鮮能分別蘇恭說水楊葉圓潤崔豹說蒲楊似青楊青楊

葉長似不相類時珍曰按陸機詩疏云蒲柳有二種一種皮正青一種皮正白可為矢此土尤多花

與柳同大英之共賞也

枝葉氣味苦平無毒主治久痢赤白搗汁一升服

日二大效唐本主癰腫痘毒時珍

發明時珍曰水楊根治癰腫故近人用枝葉治疔瘡魏直博愛心鑑去痘瘡數日陷頂漿滯不

行或風寒所阻者宜用水楊枝葉無葉用枝五斤流水一大釜煎湯溫浴之如冷添湯良久照見紫

起有暈絲者漿行也如不滿再浴之力弱者只洗頭面手足如屢浴不起者氣血收矣不可再浴始

出及痒塌者皆不可浴痘不行漿乃氣滯血滯腠理固密或風寒外阻而然浴令暖氣透達和暢鬱

蒸氣血通徹每隨暖氣而發行漿貫滿功非淺也若內服助氣血藥藉此升之其效更速風寒亦不

得而阻之矣直見一嫗在村中用此有驗叩得其方行之百發百中慎勿易之誠有變理之妙也蓋

黃鍾一動而蟄蟲啟戶東風一吹而堅冰解腹同一春也群書皆無此法故詳著之

木白皮及根氣味同華主治金瘡痛楚乳癰諸腫痘

本草綱目卷三十五下

瘡時珍

發明

附方

新金瘡苦痛

白楊 唐本草

釋名獨搖

集解

采無時崔豹古今注云白楊葉圓青楊葉長是也
宗奭曰陝西甚多永耀間居人修葺多此木也其
根不時碎札入土即生根故易繁植土地所宜爾
風纏至葉如大雨聲謂無風自動則無此事但風
微時其葉孤絕處則往往獨搖以其蒂長葉重大
勢使然也時珍曰白楊木高大葉圓似梨而肥大
有尖面青而光背甚白色有鋸齒木肌細白性堅
直用為梁拱終不撓世與移楊乃一類二種也治
病之功大抵彷彿嫩葉亦可救荒老葉可作酒麴料

木皮修治

氣味苦寒無毒

主治毒風脚氣腫四肢緩

弱不隨毒氣游易在皮膚中痰癖等酒漬服之
去風痺宿血折傷血瀝在骨肉間痛不可忍及皮

根不當作
斫木
植當作殖

世

膚風瘙腫雜五木為湯浸損處藏器治撲損瘀血竝

煎酒服煎膏可續筋骨大煎湯日飲止孕痢煎醋

含漱止牙痛煎漿水入盥含漱治口瘡煎水釀酒

消癭氣時珍

附方舊一妊娠下痢白楊皮一斤水一斗煮取項

下癭氣林米三斗炊熟取圓葉白楊皮十兩勿令

常釀酒每旦一盞

枝主治消腹痛治吻瘡時珍

附方舊二口吻爛瘡白楊嫩枝鐵土燒灰和腹滿

癖堅如石積年不損者必效方用白楊木東枝去

絹袋盛滓還納酒中密封再窰面色不白白楊皮

每服一合日三服外臺秘要每服方寸七

葉主治齩齒煎水含漱又治骨疽久發骨從中出

頻禱傅之時珍

扶核音夫核

釋名核楊古今唐棣爾雅高飛崔豹獨搖時珍曰核乃

得楊名按爾雅唐棣核也崔豹曰核楊江東呼為

夫後圓葉弱蒂微風則大搖故名高飛又曰獨搖

陸機以唐棣為郁李者誤

矣郁李乃常棣非唐棣也

集解 藏器曰扶移木生江南山谷樹大十數圍無風葉動花反而後合詩云唐棣之華偏其反

而是也時珍曰移楊與白楊是同類二種今南人通呼為白楊故俚人有白楊葉有風掣無風掣之

語其入藥之功大抵相近

木皮氣味苦平有小毒主治去風血脚氣疼痺

損瘀血痛不可忍取白皮炙酒浸服之和五木

皮煮湯將脚氣殺疥蟲風瘙燒作灰置酒中令味

正經時不敗 藏器曰白楊皮並雜五木皮煮湯浸將

發明 時珍曰白楊移楊皮並雜五木者桑槐桤楮柳也並

去風和血

附方 新婦人白崩 杜鰾皮半斤牡丹皮四兩升麻

鍾煎一鍾食前服 集簡方

松楊 拾遺 校正 併入唐本草 松子木

釋名 椋子木 音涼時珍曰其材如松其身如楊故

涼故曰椋木藏器曰江西人呼為涼木松楊縣以此得名

集解 藏器曰椋子木葉似柿兩葉相當子細圓如牛李

生寺熟黑其木堅重煮汁色赤郭璞云椋材中車輞八月九月采木日乾用

木氣味甘鹹平無毒主治折傷破惡血養好血安

胎止痛生肉 唐本

木皮氣味苦平無毒主治水痢不問冷熱濃煎令

黑服一升

藏器

榆

俞由二音
本經上品

釋名零榆

本經

白者名粉

時珍曰按王安石字說云榆瀋俞柔故謂之榆其粉

則有分之之道故謂之粉其莢懸零故曰零榆

集解

乾入月采實並勿令中濕濕則傷人弘景曰此即今之榆樹取皮刮去赤皮亦可臨時用之性至滑利初生莢仁以作糜羹令人多睡穩康所

謂榆令人瞑也恭曰榆三月實熟尋即落矣今云八月采實恐誤也藏器曰江東無大榆有刺榆秋實故經云八月采者誤也刺榆皮不滑利頌曰榆

處處有之三月生莢古人采仁以為糜羹今無復

食者惟用陳老實作醬耳按爾雅疏云榆類有數十種葉皆相似但皮及木理有異耳刺榆有鍼刺

如柘其葉如榆淪為蔬羹滑於白榆即爾雅所謂樞莖詩經所謂山有樞是也白榆先生葉却着莢

皮白色二月剝皮刮去粗殼中極滑白即爾雅所謂榆白粉是也荒歲農人取皮為粉食之當狼不

損人四月采實宗真曰榆皮初春先生莢者是也嫩時收貯為羹茹嘉祐中豐沛人缺食多用之時

珍曰邢昺爾雅疏云榆有數十種今人不能盡別惟知莢榆白榆刺榆棚榆數者而已莢榆白榆皆

大榆也有赤白二種白者名粉其木甚高大末生葉時枝條間先生榆莢形狀似錢而小色白成串

俗呼榆錢後方生葉似山茱萸葉而長尖梢潤澤嫩葉燥浸淘過可食故內則云莖莖粉榆魁藥酒

瀧以滑之三月采榆錢可作羹亦可收至冬釀酒淪過晒乾可為醬即榆仁醬也崔寔月令謂之醬

味稍苦耳諸榆性皆扇地故其下五穀不植古人

榆音牟倫者是也山榆之莢名蕪莢與此相近但

味稍苦耳諸榆性皆扇地故其下五穀不植古人

味稍苦耳諸榆性皆扇地故其下五穀不植古人

味稍苦耳諸榆性皆扇地故其下五穀不植古人

味稍苦耳諸榆性皆扇地故其下五穀不植古人

味稍苦耳諸榆性皆扇地故其下五穀不植古人

免莢

春取榆火令人采其白皮為榆麩水調和香劑粘滑勝於膠漆承曰榆皮濕搗如糊用粘瓦石極有力汴洛人以石為確嘴用此膠之

白皮氣味甘平滑利無毒主治大小便不通利水道除邪氣久服斷穀輕身不饑其實尤良本經療腸

胃邪熱氣消腫治小兒頭瘡痂疔別錄通經脈搗涎

傳癰瘡明大滑胎利五淋治齁喘療不眠甄權生皮膏

和三年醋滓封暴患赤腫女人妬乳腫日六七易

效益說利竅滲濕熱行津液消癰腫時珍

發明說曰高昌人多搗白皮為末和菜菔食甚美令人能食仙家長服服丹石人亦服之取利

關節故也時珍曰榆皮榆葉性皆滑利下降手足太陽手陽明經藥也故入小便不通五淋腫滿喘嗽不眠經脈胎產諸證宜之本草十劑云滑可去著久葵子榆白皮之屬蓋亦取其利竅滲濕熱消留著有形之物爾氣盛而壅者宜之若胃寒而虛者久服滲利恐洩真氣木經所謂久服輕身不饑蘇頌所謂榆粉多食不損人者恐非確論也

附方舊九新九斷穀不饑榆皮檀皮為末日服數合救荒本草久嗽欲死

止榆白皮陰乾焙為末每日旦夜用水久嗽欲死

許明則有效方用厚榆皮削如指大長尺餘虛勞

納喉中頻出入當吐膿血而愈古今錄驗

白濁榆白皮二升水二斗煮取小便氣淋榆枝石

水日服五淋澀痛榆白皮陰乾焙研每以二錢

普濟方五淋澀痛水五合煎如膠日二服

普濟方

普濟方

普濟方

普濟方

方 渴而尿多 非淋也 用榆皮二片 去黑皮 以水一斗 煮取五升 一服 三合 日三服 外

臺秘 身體暴腫 榆皮搗末 同米作粥 食之 小便利 備急方 臨月易產

榆皮 焙為末 臨月 日三服 方寸 墮胎下血 不止 榆皮當

歸焙 各半 兩入生薑 胎死腹中 或母病欲下 胎榆皮當

秘錄 子母 身首生瘡 榆皮末 油和塗之 子母秘錄 火灼爛瘡

榆白皮 嚼塗 五色丹毒 俗名遊腫 犯者多死 不可

和塗之 千金 小兒蟲瘡 榆皮末 和豬脂 塗綿上 覆 癰疽

發背 榆根 白皮 切清 水洗 搗極爛 和香油 傅之 留

愈以桑葉 嚼爛 隨大小 貼之 小兒瘰癧 榆白皮 生

口合 乃止 神效 救急方

之類易。 小兒禿瘡 醋和榆白皮末 塗之 重當出 產乳方

葉氣味 上同 主治 嫩葉作羹 及煨食 消水腫 利小便

下石淋 壓丹石 藏器時珍曰 蒸乾 為末 淡鹽水 拌

煎汁 洗酒 皸鼻 同酸棗仁 等分 蜜丸 日服 治膽

熱虛勞 不眠 時珍

花主 治小兒 癩 小便不利 傷熱 別錄

菝仁 氣味 微辛 平 無毒 主治 作糜 羹食 令人多睡

弘 主 婦人 帶下 和牛肉 作羹 食 藏器 子醬 似蕪 莢 能

助肺 殺諸 蟲 下氣 令人 能食 消心 腹間 惡氣 卒心

痛塗諸瘡癬以陳者良

孟詵

榆耳 見木

棚榆 拾遺

集解

藏器曰棚榆生山中狀如榆其皮有滑汁秋生莢如大榆時珍曰大榆二月生莢棚榆入

月生莢可分別

皮氣味甘寒無毒主治下熱淋利水道令人睡

藏器

治小兒解顛 時珍

蕪荑 別錄

釋名 蕪荑

爾雅蕪荑

蕪荑

音殿

木名 榎

音偏時珍曰按說文

蕪

李經

云榎山枌榆也有利實為蕪荑爾雅云蕪荑其實黃又云蕪荑葑薔則此物乃莖樹之黃故名也茶

集解

別錄曰蕪荑生晉山州谷三月采實陰乾弘景口今惟出高麗狀如榆莢氣臭如狝彼人皆以作醬食之性殺五疳物中亦辟蛙但患其臭

恭曰今延州同州者甚好志曰河東河西處處有之頌曰近道亦有之以太原者良大抵榆類而差小其實亦早成此榆乃大氣臭郭璞爾雅註云無

姑始榆也生山中葉圓而厚剝取皮合漬之其味辛香所謂蕪荑也采實陰乾用今人多取作屑

以芼五味惟陳者良人收藏之多以盪漬則失氣味但宜食品不堪入藥珣曰按廣州記云生大秦

國是波斯蕪荑也藏器曰蕪荑氣羶者良乃山榆仁也時珍曰蕪荑有大小兩種小者即榆莢也採

取仁醞為醬味尤辛人多以外物相和不

可不擇去之入藥皆用大蕪荑別有種

氣味辛平無毒

權曰苦平 治五內邪氣散皮膚骨節中

多發熱為辛故也

秋月食之尤宜人 逐寸白散腸中噎噎

淫淫温行毒去三蟲化食

喘息別錄主積冷氣心腹癥痛除肌膚節中風淫淫

如蟲行本蜀五臟皮膚肢節邪氣長食治五痔殺中

惡蟲毒諸病不生孟詵治腸風痔瘻惡瘡疥癬明大殺

蟲止痛治婦人子宮風虛孩子疳瀉冷痢得訶子

豆蔻良李珣和豬脂搗塗熱瘡和蜜治濕癬和沙牛

酪或馬酪治一切瘡張鼎

附方新舊脾胃有蟲

食即作痛而黃無色以石州

末非時米飲服二

制殺諸蟲

生無黃生檳榔各四

大每服二十九白

疳熱有蟲

瘦悴久服充肥用榆

湯下本事方

疳熱有蟲

仁一兩黃連一兩為

末豬膽汁七枚和入

疳熱有蟲

蒸之一日蒸一次

五七九至一二九米

小兒蟲癩

胃寒蟲上諸證

飲下錢氏小兒直訣

小兒蟲癩

危惡與癩相似

用白燕黃乾漆燒存性

結陰下血

燕黃

搗爛紙壓去油為末

結陰下血

一兩

服九丸甘草湯下日五

結陰下血

服方

胃氣泄久患不止

胃氣泄

燕黃

三尸益神駐顏此方得之

膀胱氣急

宜下氣

曾用得力王紹顏續傳信方

膀胱氣急

用燕黃

搗和食鹽末等分以綿裹如棗大納下
嬰孩驚瘖

部或下惡汁並下氣佳
外臺秘要

風後失瘖不能言肥兒丸
用蕪荑炒神麴炒麥蘖

妙黃連炒各一錢為末
膽汁打糊丸黍米大每

服十九木通湯下黃連能
蟲牙作痛以蕪荑仁安

去心竅惡血全幼心鑑
平時嗜酒血入於酒則為

中甚效方危
腹中鼈痕酒釐平時多氣血凝於氣

氏得效方
則為氣鼈虛勞痢冷敗血雜痰則為血鼈搖頭掉

尾如蟲之行上侵入咽下蝕人肛或隨脇背或隱

胃腹大則如鼈小或如錢治法惟用蕪荑炒煎服

之兼用暖胃益血理中之類乃可殺之若從事雷

也九錫灰之類無益
仁齋直指方

蘇方木

釋名蘇木 時珍曰海島有蘇方國其地產
此木故名今人省呼為蘇木爾

集解

蘇方木自南海崑崙來而交州愛州亦
許花黃子青熟黑其木人用染絳色
南州記云生海畔葉似絳木若女貞時珍曰按徐表
含南方草木狀云蘇方樹類槐黃花黑子出九真
煎汁忌鐵器則色黯其木蠹之糞名曰紫納亦可
用暹羅國人
賤用如薪

修治

數日凡使去上粗皮并節若得中心文橫如
紫角者號曰木中尊其力倍常百等須細到

重搗拌細梅樹枝蒸
氣味甘鹹平無毒
果曰甘鹹

降陽中陰也好古曰味
主治破血產後血脹悶欲

死者水煮五兩取濃汁服
唐本 婦人血氣心腹痛月

候不調及痔勞排膿止痛消癰腫撲損淤血女人

失音血噤赤白痢并後分急痛大虛勞血癖氣壅

滯產後惡露不安心腹攪痛及經絡不通男女中

風口噤不語並宜細研乳頭香末方寸七以酒煎

蘇方木調服立吐惡物瘥霍亂嘔逆及人常嘔

吐用水煎服器破瘡瘍死血產後敗血杲李

發明元素曰蘇木性涼味微辛發散表裏風氣宜

死者宜之時珍曰蘇方木乃三陰經

血分藥少用則和血多用則破血

附方舊一產後血運蘇方木三兩水五

面黑欲死乃血入肺也用蘇木二兩水兩碗煮一

碗人人參末一兩服隨時加減神效不可言胡

氏破傷風病蘇方木為散三錢酒服立

蘇方木鷺鷥藤等分細剉入定粉少許水

二斗煎一斗五升先熏後洗普濟方

痛蘇方木二兩好酒一壺煮

真蘇木末敷之外以蠶繭包

縛完固數日如故攝生方

烏木綱目

釋名烏構木構音

烏文木時珍曰木名文木南

集解時珍曰烏木出海南雲南南番葉似櫻櫚其

嫩木也南人多以繫木染色偽之南方草物狀云

文木樹高七八尺其色正黑如水牛角作馬鞭日

南有之古今注云烏文木出波斯船上將來

烏文闊然溫括萎等州亦出之皆此物也

氣味甘鹹平無毒主治解毒又主霍亂吐利取屑

研末溫酒服時珍

樺木宋開寶

釋名榼藏器曰晉中書令王珉傷寒身驗方中作榼字時珍曰畫工以皮燒烟熏紙作古畫

字故名榼俗省作樺字也

集解藏器曰樺木似山桃皮堪為燭宗奭曰皮上東及薛洮河州西北諸地其木色黃有小斑點紅色能收肥膩其皮厚而輕虛軟柔皮匠家用襯鞞裏及為刀靶之類謂之暖皮切人尤重之以皮卷蠟可作燭照

木皮氣味苦平無毒主治諸黃疽濃煮汁飲之良

開寶煮汁冷飲主傷寒時行熱毒瘡特良即今豌豆

瘡也藏器燒灰合他藥治肺風毒宗奭治乳癰時珍

附方舊一乳癰初發腫痛結硬欲破一服即瘥以

酒溫服方寸七即臥覺即乳癰腐爛靴內年久樺

錢日一服肺風毒瘡遍身瘡亦如癩及癩疹瘡

唐瑤經驗用樺皮散主之樺皮燒灰四兩枳殼去穢燒四兩

荆芥穗二兩炙甘草半兩各為末杏仁水煮過去

皮尖二兩研泥爛研勻每服二錢食後小便熱短

溫酒調下瘡疥甚者日三服和劑方

樺皮濃煮汁染黑鬚髮搗皮一片包側柏一枝燒

飲集簡方抹在鬚髮上即黑烟熏香油盥內成烟以手

也多能鄙事

脂主治燒之辟鬼邪

藏器

緜木

拾遺

釋名集解

藏器曰生林澤山谷木文側戾故曰緜木

氣味甘溫無毒主治風血羸瘦補腰脚益陽道宜

浸酒飲

藏器

欄木

拾遺

集解

藏器曰出安南及南海用作床几似紫檀而色赤性堅好時珍曰木性堅紫紅色亦有花紋者謂之花欄木可作器皿扇骨諸物俗作花梨誤矣

氣味辛溫無毒主治產後惡露衝心癥瘕結氣赤

白漏下竝剉煎服

李琦

破血塊冷嗽煮汁熱服為枕

令人頭痛性熱故也

藏器

櫻欄

宋嘉祐

釋名併欄

時珍曰皮中毛縷如馬之鬃鬣故名櫻欄併音并

集解

頌曰櫻欄出嶺南西川今江南亦有之本高

抄其下有皮重疊裹之每皮一匝為一節二旬一
采皮轉復生上六七月生黃白花八九月結實作
房如魚子黑色九月十月采其皮用山海經云石
翠之山其木多櫻是也藏器曰其皮作繩入水干
歲不爛昔有人開塚得一索已生根嶺南有枕榔
檳榔椰子冬葉虎散多羅等木葉皆與併欄相類
時珍曰櫻欄川廣甚多今江南亦種之最難長初
生葉如白及葉高二三尺則木端數葉太如扇上

當蒲葵三字

本草綱目

卷三十一

三十一

聳四散岐裂其莖三稜四時不凋其幹正直無枝
近葉處有皮果之每長一層即為一節幹身赤黑
皆筋絡宜為鍾杵亦可旋為器物其皮有絲毛錯
縱如織剝取縷解可織衣帽褥椅之屬大為時利
每歲必兩三剝之否則樹死或不長也三月於木
端莖中出數黃苞苞中有細子成列乃花之孕也
狀如魚腹孕子謂之櫻魚亦曰櫻笋漸長出苞則
成花穗黃白色結實纍纍大如豆生黃熟黑甚堅
實或云南方此木有兩種一種有皮絲可作繩一
種小而無絲惟葉可作帚鄭樵通志以為王萼者
非也王萼乃落帚之名即地膚子別有蒲葵葉與
此相似而柔薄可為扇笠許慎說文以為櫻櫚亦
誤矣

筍及子花氣味苦瀋平無毒

藏器曰有小毒戟人喉未可輕服 珣曰溫

有大毒不堪食 時珍曰櫻魚皆言有毒不可食而廣蜀人蜜煮醋浸以供佛寄遠蘇東坡亦有食櫻

筍詩乃制去其毒爾

主治 澀腸止瀉痢腸風崩中帶下及養

血藏器

附方

新

大腸下血

櫻筍煮熟切片晒乾為末蜜湯或酒服一二錢 集簡方

皮氣味

子同

主治 止鼻衄吐血破癥治腸風赤白痢

崩中帶下燒存性用

大

主金瘡疥癬生肌止血

李珣

發明

宗奭曰櫻皮燒黑治婦人血露及吐血須佐以他藥時珍曰櫻灰性澀若失血去多淤滯已盡者用之切當所謂澀可去脫也與亂髮同用更良年久敗櫻入藥尤妙

附方

新

鼻血不止

櫻櫚灰隨左右吹之 黎居士方

血崩不止

櫻櫚皮

皮燒存性空心淡酒服三錢

方加煖白礬等分 婦人良方

血淋不止

櫻櫚皮半燒半

本草綱目卷三十一

炒為末每服二錢甚效 衛生家寶方 下血不止 櫻櫚皮半斤 括樓一箇 燒灰每服二

錢米飲調下 水穀痢下 櫻櫚皮燒研水服 小便不通 櫻皮毛燒存性以水酒服二錢 攝生方

通 櫻皮毛燒存性以水酒服二錢 攝生方

檿木 檿良刃切 ○拾遺

釋名 檿木 音潭

集解 藏器曰檿木生江南深山大樹樹有數種取葉厚大白花者入藥白餘灰入染家用時珍

曰此木最硬梓人謂之檿筋木是也木入染絳用葉亦可釀酒

木灰氣味甘溫小毒主治卒心腹癥瘕堅滿疝瘕

淋汁八升釀米一斗待酒熟每溫飲半合漸增至

一二盞即愈 藏器出肘後

柯樹 拾遺

釋名集解 木奴 珣曰按廣志云生廣南山谷波斯家用木為船舫者也

白皮氣味辛平有小毒主治大腹水病采皮煮汁

去滓煎令可丸如梧子大平旦空心飲下三丸須

臬又一丸氣水並從小便出也 藏器

烏白木 唐本 美產 產商統錄 和油米葉醫學烏白木子長沙志烏榕品定案

釋名 鷓鴣白 薛珍曰烏白鳥喜食其子因以名之陸龜蒙詩云行歌每依鷓鴣白影桃顛時見

鼠姑心是矣鼠姑壯丹也或云其木老則根下黑爛成白故得此名鄭樵通志言烏白即柎柳者非

本草綱目卷三十一 下

集解

開細花黃白色子黑色藏器曰葉似梨杏五月
可壓油然燈極明京藥曰葉如小杏葉但後薄而
綠色差淡子入九月熟初青後黑分爲三瓣時珍
曰南方平澤甚多今江西人種植采子蒸
煮取脂澆燭貨之于上皮膚勝于仁也

根白皮氣味

苦微溫有毒

大明曰性涼慢火炙乾黃乃用

主治暴

水癥結積聚

唐本

療頭風涌大小便

解蛇毒

震亨

發明

時珍曰烏白根性沉而降陰中之陰利水通
腸功勝大戟一野人病腫滿氣壯令極此根
搗爛水煎服一盃連行數行而病平氣虛人不可
用之此方出太平聖惠方言其功神聖但不可多
服爾誠然

附方

舊一

小便不通

烏白根皮煎湯

飲之

大便不通

烏白

木根方長一寸劈破水煎半盞服之立通二便關
不用多喫其功神聖兼能取水斗門方

格

服二錢先以芒消二兩煎湯服取吐甚效未熱水

後水氣虛腫

小便溼烏白皮檳榔木通一兩爲脚

氣濕瘡

極痒有蟲烏白根爲末傳之尸注中惡心

痛刺沉黙錯亂用烏白根皮煎濃汁一合調永類方暗疔

昏狂

瘡頭凸紅相樹根一盞服待瀉過以三角銀杏

仁浸油搗禽患

嬰兒胎瘡

滿頭用水邊烏白樹根

油調搽

鼠莽砒毒

烏白根半兩搗水鹽麪痰喘

相對皮去粗搗汁和飛麪作餅烙熟早晨與兒喫

三四箇待吐下藍涎乃佳如不行熱茶催之摘

方玄

葉氣味

同根

主治

食牛馬六畜肉生疔腫欲死者搗

自然汁一二盃極服得大利去毒即愈未利再服

冬用根

時珍

相油氣味

甘涼無毒主治塗頭變白為黑服一合

令人下利去陰下水氣炒子作湯亦可藏器塗一切

腫毒瘡疥

時珍

附方

新膿泡疥瘡

柏油二兩水銀二錢樟腦五錢同研頻入唾津不見星乃止以

溫湯洗淨瘡以藥填入唐瑤經驗方

小兒蟲瘡

用舊絹作衣化柏油塗之與兒穿着

次日蟲皆出油上取下蠟之有聲是也別以油衣與穿以蟲盡為度瀕湖集簡方

巴豆

本經下品

釋名巴菽

本經

剛子

炮炙

老陽子

時珍曰此物出巴蜀而形如菽豆故以名

之宋本草一名巴椒乃菽字傳訛也雷斅炮炙論又分緊小色黃者為巴有三稜色黑者為豆小而兩頭尖者為剛子云巴與豆可用剛子不可用殺人其說殊乖蓋緊小者是雖有稜及兩頭尖者是雄雄者峻利雌者稍緩也用之得宜皆有功力用之失宜參朮亦能為害况巴豆乎

集解別錄曰巴豆生巴郡川谷入月采陰乾用之去心皮頰曰今嘉州眉州戎州皆有之木高一二丈葉如櫻桃而厚大初生青色後漸黃赤至十二月葉漸稠二月復漸生四月舊葉落盡新葉齊生即花發成穗微黃色五六月結實作房生青至八月熟而黃類白豆莢漸漸自落乃收之一房

相

本草綱目卷三十五下

豆

三

有三瓣一瓣乙子或三子子仍有殼用之去殼戎州出者殼上有縱文隱起如線一道至兩三道彼土人呼為金線巴豆最為上等他處亦稀有時珍曰巴豆房似大風子殼而脆薄子及仁皆似海松子所云似白豆

修治

弘景曰巴豆最能瀉人新者佳用之去皮心熱令黃黑搗如膏乃和丸散散曰凡用巴與

豆敲碎以麻油并酒等煮乾研膏用每一兩用油酒各七合大明曰凡入丸散炒用不如去心膜換水煮五度各一沸也時珍曰巴豆有用仁者用殼者用油者有生用者焚炒者醋煮者燒存性者有研爛以紙包壓去油者謂之巴豆霜

氣味辛溫有毒

別錄曰生溫熟寒有大毒普曰神農岐伯桐居辛有毒黃帝甘有毒

李當之熱元素曰性熱味苦氣薄味厚體重而沉降陰也果曰性熱味辛有大毒浮也陽中陽也時

珍曰巴豆氣熱味辛生猛熟緩能吐能下能止能行是可升可降藥也別錄言其熱則性寒張氏言其降李氏言其浮皆泥於一偏矣蓋此物不去膜則傷胃不去心則作嘔以沈香水浸則能升能降與大黃同用瀉人反緩為其性相畏也王充論衡云萬物合太陽火氣而生者皆有毒故巴豆辛熱有毒之才曰芫花為之使畏大黃黃連蘆筍菘蘆醬豉冷水得火良惡蘆草與牽牛相反中其毒者用冷水黃連汁大豆汁解之

主治傷寒溫瘧寒熱破癥瘕結

聚堅積留飲痰癖大腹蕩練五臟六腑開通閉塞

利水穀道去惡肉除鬼毒蠱疰邪物殺蟲魚本經瘰

女子月閉爛胎金瘡膿血不利丈夫殺斑蝥蛇虺

毒可練餌之益血脈令人色好變化與鬼神通別錄

治十種水腫痿痺落胎性藥通宣一切病泄壅滯除

風補勞健脾開胃消痰破血排膿消腫毒殺腹臟

蟲治惡瘡息肉及疥癩丁腫日華導氣消積去臟腑

停寒治生冷硬物所傷元素治瀉痢驚癇心腹痛疝

氣風喎耳聾喉痺牙痛通利關竅時珍

發明元素曰巴豆乃斬關奪門之將不可輕用震亨曰巴豆去胃中寒積無寒積者勿用元素

目世以巴豆熱藥治酒病隔氣以其幸熱能開腸胃鬱結也但鬱結雖開而亡血液損其真陰從正

日傷寒風溼小兒瘡痘婦人產後用之下膈不死亦危奈何庸人畏大黃而不畏巴豆以其性熱而劑小耳豈知以蠟置之猶能下後使人津液枯竭

胃熱口燥耗却天真留毒不去他病轉生故下藥

宮以為禁藏器曰巴豆主癰瘰瘰氣痞滿積聚冷氣血塊宿食不消痰飲吐水取青黑大者每日空

腹服一枚去殼勿令白膜破乃作兩片并四邊不得有損缺吞之以飲壓令下少頃腹內熱如火利

出惡物雖利而不虛若久服亦不利人白膜破者不用好古曰若惡治為水穀道路之劑去皮心膜

油生用若緩治為消堅磨積之劑炒去烟令紫黑用可以通腸可以止瀉世所不知也張仲景治百

病客忤備急丸用之時珍曰巴豆峻用則有戕亂切病之功微用亦有撫綏調中之妙譬之蕭曹終

灌乃勇猛武夫而用之為相亦能輔治太平王海藏言其可以通腸可以止瀉此發千古之秘也一

老婦年六十飲病溇泄已五年肉食油物生冷之即作痛服調脾升提止瀉諸藥入腹則泄反甚

延余診之脉沈而滑此乃脾胃久傷冷積凝滯所致王太僕所謂大寒凝內久利溇泄愈而復發綿

歷歲年者法當以熱下之則寒去利止遂用蠟置巴豆丸藥五十九與服二日大便不通亦不利其

本草綱目卷之五十五下 巴豆

泄遂愈自是每用治泄痢積滯諸病皆不瀉而病
瘳者近百人妙在配合得宜藥病相對耳苟用所
不當用則犯輕
用損陰之戒矣

正誤 弘景曰道家亦有鍊餌法服之云可神仙人
吞一枚便死而鼠食之三年重三十斤物性

乃有相耐如此時珍曰漢時方士言巴豆鍊餌令
人色好神仙名醫別錄采入本草張華博物志言

鼠食巴豆重三寸斤一謬一誣陶氏信為實語
誤矣又言人吞一枚即死亦近過情今並正之

附方 舊十三新一切積滯 巴豆一兩蛤粉二兩黃
大每水下五丸 寒滯宿食 不消大便閉塞巴豆仁

醫學切問 寒滯宿食 一升清酒五升煮三日
三夜研熟合酒微火煎令可丸如豌豆大

每服一丸水下欲吐者二丸 千金方 水蠱大
腹動搖水聲皮膚色黑巴豆九十枚去心皮熬黃

杏仁六十枚去皮尖熬黃搗丸小豆大水下一

丸以利為度勿飲酒 飛尸鬼擊 中惡心痛腹脹大
張文仲備急方 便不通走馬湯用

巴豆二枚去皮心熬黃杏仁二枚以綿包椎碎熟
湯一合捻取白汁服之當下而瘳量老小用之

外食瘡積瘡 巴豆去皮心二錢皂莢去皮子六錢
臺 搗丸綠豆大一服一丸冷湯下 肘

後積滯泄痢 腹痛裏急杏仁去皮尖巴豆去皮心
方 各四十九箇同燒存性研泥溶蠟和

丸綠豆大每服二三九煎大黃湯下問日 氣痢赤
一服一加百草霜三錢 劉守真宣明方

白 巴豆一兩去皮心熬研以熟豬肝丸綠豆大空
心米飲下三四丸量人用此乃鄭懈待御所傳

方也 瀉血不止 巴豆一箇去皮以雞子開一孔
經驗方 納入紙封煨熟去豆食之其病

即止虛人分作二 小兒下痢 赤白用巴豆煨熟去
服決効 普濟方 油一錢百草霜二錢

研末飛羅麩煮糊丸黍米大量人用之赤用汁
草湯白用米湯赤白用薑湯下 全幼心鑑 夏

本草綱目卷之六十五下

月水瀉 不止巴豆一粒針頭燒存性化蠟和小兒

吐瀉 巴豆一箇對穿燈上燒過黃蠟一豆大燈上

子燈心湯 伏暑霍亂 傷冷吐利煩濕水浸丹用巴

丹炒研一兩二錢半化黃蠟和九綠豆大每服乾

霍亂病 心腹脹痛不吐不利欲死巴豆一枚二便

不通 巴豆連油連黃各半兩擣作餅子先滴葱鹽

楊氏寒痰氣喘 青橘皮一片展開入剛子一箇麻

家藏 一鍾呷服天台李翰林用此治莫風濕痰病

秀才到口便止神方也張杲醫說 風濕痰病 密室

册先將無油新巴豆四十九粒研如泥紙壓去油

分作三餅如病在左冷病人將右手仰置書上安

藥于掌心以盤安藥上傾熱水入盤內水涼即換

良久汗出立見神效病在右安左掌方 陰毒傷寒

一云隨左右安之 保壽堂經驗方 陰毒傷寒

心結按之極痛大小便閉但出氣稍暖者急取巴

豆十粒研入麪一錢捻作餅安臍內以小艾炷灸

五壯氣達即通此太師陳解中藥毒 巴豆去皮不

北山方也 仁齋直指方 解中藥毒 巴豆馬牙硝

等分研丸冷水服 喉痺垂死 止有餘氣者巴豆去

一彈丸 廣利方 喉痺垂死 皮線穿內入喉中牽

出即懸 纏喉風痺 巴豆兩粒紙卷作角切斷兩頭

金勝 傷寒舌出 巴豆一粒去油取霜以紙捲卷

上出血 如箸孔巴豆一枚亂髮鷄 中風口喎 巴豆

去皮研左嚼塗右手心右嚼塗左手心仍以 小兒

暖水一盞安藥上須臾即正洗去 聖惠方

口瘡

不能食乳剛子一枚連油研入黃丹少許刺去願上髮貼之四邊起粟泡便用溫水洗去

成瘡

神效瑞竹堂方不風蟲牙痛聖惠用巴豆一粒煨黃去殼蒜

一辨

切頭刺去中心入豆在內蓋定綿裹咬之○

右塞

耳中○經驗方用巴豆一粒研綿裹咬之○

又方

針刺巴豆燈上燒令天絲入咽凡露地飲食

烟出

熏痛處三五次神效

食之

令人咽喉生瘡惡以白礬耳卒聾閉巴豆一粒紙裹

巴豆

燒灰吹入即愈

針刺

孔通氣塞風瘙隱疹心下迷悶巴豆五十粒

之取

効經氣塞

烏染

拭之隨手疥瘡搔痒巴豆十粒炮黃去皮心

粉少

許孤破點上不得近目并外腎上如荷錢癬

重目

著腎則以黃丹塗之甚妙

瘡

巴豆仁三箇連油杵泥以生絹包捺日一切惡

一錢

石灰炒過人言一錢糯箭鏃入肉不可拔出

米五

分炒研點之怪症方

豆仁

畧熬與蟻蝦同研塗之斯須痛定微痒忍之

待極

痒不可忍便撼拔動之取出速以生肌膏傳

之而

淫亦治瘡腫夏侯鄆在潤州得此方後至洪

州旅

舍主人妻病背脊呻吟不已鄆用此方試之

卽痛

止也小兒痰喘巴豆一粒杵爛綿裹塞鼻男

鑑

牛疫動頭巴豆二粒研生麻油三兩漿水

油

主治中風痰厥氣厥中惡喉痺一切急病咽喉

瘡

巴豆三十粒麻油煎黑去豆以油調硫黃輕粉末頻塗取効普濟癰疽惡肉

膏解

一切瘡毒及腐化瘀肉最能推陳致新巴豆

仁炒

焦研膏點痛處則解毒塗瘀肉上則自化加

宜作

糝耗之不可若毒深不能收斂者

一錢

石灰炒過人言一錢糯箭鏃入肉不可拔出

米五

分炒研點之怪症方

豆仁

畧熬與蟻蝦同研塗之斯須痛定微痒忍之

待極

痒不可忍便撼拔動之取出速以生肌膏傳

之而

淫亦治瘡腫夏侯鄆在潤州得此方後至洪

州旅

舍主人妻病背脊呻吟不已鄆用此方試之

卽痛

止也小兒痰喘巴豆一粒杵爛綿裹塞鼻男

鑑

牛疫動頭巴豆二粒研生麻油三兩漿水

油

主治中風痰厥氣厥中惡喉痺一切急病咽喉

不通牙關緊閉以研爛巴豆綿紙包壓取油作燃
點燈吹滅熏鼻中或用熱烟刺入喉內即時出涎
或惡血便甦又舌上無故出血以熏舌之上下自

止時珍

殼主治消積滯治瀉痢時珍

附方新一切瀉痢脈浮洪者多日難已脈微小者服之立止名勝金膏巴豆皮楮

葉同燒存性研化蠟丸綠豆大每
甘草湯下五丸劉河間宣明方痢頻脫肛黑色堅硬
用巴豆殼燒灰芭蕉自然汁煮入朴硝少許洗軟
用真麻油點火滴于上以枯礬龍骨少許為末摻
肛頭上以芭蕉葉托
人危氏得効方

樹根主治癰疽發背腦疽鬚疽大患掘取洗搗敷
患處留頭妙不可言收根陰乾臨時水搗亦可時珍

出楊誠
經驗方

大風子補遺

釋名時珍曰能治
大風疾故名

集解時珍曰大風子今海南諸番國皆有之按周
達觀真臘記云大風乃大樹之子狀如椰子

而圓其中有核數十枚大如雷九子
中有仁白色久則黃而油不堪入藥

仁修治時珍曰取大風子油法用子三斤去殼及
黃油者研極爛瓷器盛之封口入滾湯中

蓋鍋密封勿令透氣文武火煎至
黑色如膏名大風油可以和藥

氣味辛熱有毒**主治**風癰疥癩楊梅諸瘡攻毒殺

蟲時珍

發明震亨曰粗工治大風病佐以大風相殊不知此物性熱有燥痰之功而傷血至有病將愈而先失明者時珍曰大風油治瘡有殺蟲劫毒之功蓋不可多服用之外塗其功不可沒也

附方新大風諸癩大風子油一兩苦參末三兩入少酒糊丸梧子大每服五十丸

空心溫酒下仍以苦參湯洗之普濟方**大風瘡裂**大風子燒存性和麻油輕粉研塗仍

以殼煎湯洗之**楊梅惡瘡**上方同**風刺赤鼻**大風子仁木鼈

子仁輕粉硫黃為末夜夜唾調塗之**手背皴裂**大風子搗泥塗之壽域

海紅豆藥海

釋名集解珣曰按徐表南州記云生南海人家園之亦成時珍曰樹高二三丈葉似梨葉而圓按宋祁益部方物圖云紅豆葉如冬青而圓澤春開花白色結莢枝間其子累累而綴珠若大紅豆而扁皮紅肉白以似得名蜀人用為果飣

豆氣味微寒有小毒**主治**人黑皮黧黯花癬頭面

遊風宐入面藥及澡豆李珣

相思子綱目

釋名**紅豆**時珍曰按古今詩話云相思子圓而紅故老言昔有人歿於邊其妻思之哭於樹下而卒因以名之此與韓憑家上相思樹不同彼乃連理梓木也或云即海紅豆之類未審的否

集解時珍曰相思子生嶺南樹高丈餘白色其葉似槐其花似皂莢其莢似扁豆其子大如小

大

五

下

卷

三

十五

下

五

下

五

下

五

豆半截紅色半截黑色彼人以嵌首飾段公路北戶錄言有蔓生用子收龍腦香相宜令香不耗也

氣味苦平有小毒吐人**主治**通九竅去心腹邪氣

止熱悶頭痛風痰瘴瘧殺腹臟及皮膚內一切虫

除蠱毒取二七枚研服即當吐出時珍

附方新瘴瘧寒熱相思子十四枚水研服取吐立瘳下金 貓鬼野道

眼見貓鬼及耳有所聞用相思子蓖麻子巴豆各一枚殊砂末蠟各四銖合搗丸如麻子大服之即

以灰圍患人面前着一斗灰火吐藥入火中沸即畫十字于火上其貓鬼者死也千金方 解

中蠱毒必效方用未鑽相思子十四枚許碎為末溫水半盞和服欲吐抑之勿吐少頃當大

吐非常輕者但服七救神效外臺秘要

豬腰子綱目

集解時珍曰豬腰子生柳州蔓生結莢肉子大若豬之內腎狀酷吊之長三四寸色紫而肉堅

彼人以充土宜饋送中土

氣味甘微辛無毒**主治**一切瘡毒及毒箭傷研細

酒服一二錢并塗之時珍

石瓜綱目

集解時珍曰石瓜出四川峨眉山中及芒部地方其樹修幹樹端挺葉肥滑如冬青狀似桑其

花淺黃色結實如綴長而不圓壳裂開子見其形似瓜其堅如石者液黃色

氣味苦平無毒**主治**心痛煎汁洗風痺時珍

本草綱目卷之五

石瓜 取一七枚研服即當吐出

醋罌一三錢并塗之 愈 吐 五 痰 下 金 肺 鬼 野 道

原和甘菊辛無毒主宜一四毒毒及毒箭射無味


宜 釀 漿 申 土 而 着 一 火 毒 入 火 中 解

菓雅 蘇 文 內 膏 兼 胡 中 之 身 三 四 十 身 紫 而 肉 變 無 多 日 蘇 烈 干 主 味 似 蔓 草 蘇 葉 肉 干 大 苦

蘇烈干

蘇

蘇



Kitasato Memorial Medical Library